

MIZOTE RAMHUAL HRIATDAN



T. NGHAKLIAN
Lunglei Veng

Mizoram State Library
1523
■■■■■■■■

"Yasamah ramhual a pawngtal e,
A sang tual tual Laitlang sappui an rawn e,
C I Rozika a tlan duai duai"

zinga an haathawh; dan hr kan hre chyang tur a ni
zawk, tih hi tihfiah ka tum baw k a ni

Amaherawhchu, Mizo hnam peng hrang hrangte
hriatdan ka chhui hman rih lova, Luseiho leh an
chenna hmuna a w m vete ngaidan leh hriatdan
chauh ka chhui hman rih a. Chuvangin a famkim lo
deuh dawn a, paw ka ti le, Engpawh ni sela, ram-
huante hi sawimawi emaw a, anmahni hlau leh be tur
emaw zawng fuh lam chuan ka ziak hnan lova, chu
lam chu ka tum pawh a ni baw hek le. Kohhranhote
pawhin ngaih loh lamah an ngai lem lovang chu
maw A tihfiahna tura mimal hming leh chanchin ka
han ziak lante pawhin min ngaihthiam ka duh a An
mimal huatzawng leh duhloh zawng ka lo sawi tel
pah a nih pawhin an mi ngaidamna ka dil
ngah a ni.

A tawp berah chuan he lehkhahua thu ziate hi
kan pi leh puteho hriatrengna atan leh an thil lo
hmuhdan leh ngaidante hi kan hnam hian ro-thil
anga a vawn chhoh zelna tur hmanrua angah ngai
thei theuh ila tih hi a ziaktu tum ber leh chhiartute
hnena a ngenna a ni e. Heng chanchin min hrihtu
leh min tanpuitu zawng zawngte hnenah lawmthu ka
sawi baw k e.

1st. Oct. 1983.

T Nghakhiana,
Lunglei, Venglai.

A CHHUNGA THU AWMTE

Mizoram State Library
11523



Bung

- 1 Ramhua1 kan tih h1 engnge an nih ?
- 2 Mizote ramhua1 hriat dan
- 3 Mizorama ramhua1 chet dan langsar_zualte
- 4 Ramhua1 huatzawng leh hlauhawng
- 5 Ramhuaite h1 un awm tak tak ang em?

DATE LIBRAR

Location No

State Librarian	Mizoram, Aizawl
Acc	12415
Date of	18/9/85
Supplier	Signed
Price . .	Rs 8/-

FIRST

EDITION 1983

1,500 Copies

Copyright Reserved

LEHKHABU ZAWRHNATE

- 1 Zomi Book Agency, Bungkawn Aizawl**
- 2. Lianchhungi Book Store, Aizawl.**
- 3 Bethel Store, Lunglei**
- 4 Makedonia, Lunglei**
- 5. Makedonia, Zarkawt, Aizawl**
- 6. Makedonia, Serchhip**

MIZOTE RAMHUAI HRIAT DAN

By T Nghakliana
Lunglei, Venglai

BUNG 1

RAMHUAI KAN THH HI FNGNGE AN NIH ?

Hmasang atanga vawun thleng hian mihingte hian keimahni aia thil tithe; zawk thilnung engemaw tak, Pathian kan tih ang ni silo hi he khawvelah hian awm ngeia hriatna kan lo nei thin a. Khawvel hnamtin zinga hetiang thilnung hi awm ve ngeia hriatna nghet tak mai a rina rinna sat'ih mai nilo a lo awm theuh mu hi thilmak tak leh chhut them tak a thina a ni. Hnam mawllai leh atla thila mi thenkhatin kan ngaih ngawt hi thil dik ber nin a lang lovi hinuh theihloh leh awmlo hulhuala thenkhatten kan ngu pawh hi thildik nin a lang lo baw. Tunlai thleng pawh hian hnamtingleh changlang zawka kan nei th Sapiun ngeia te pawh khuan 'Ramhuai chhantu pawl' an la awm fo zuk nia !

Keini Mizote pawh hian kan pilch pute hun atanga vawun thleng hi ramhuai hian awm ngein kan lo hie thin a, mi thenkhatte pheichuan chingtak takin an lo hmu nin kan sawi thin baw. Chhuchah pawh ni lovin a zawl a zawl thin leh an taka fona nei hote pawh sawi tun an awm nual nghe nghe a ni. Ramhuai tia an himing kan lo vuahna chhan pawh hi ramhuana awm an ni deuh ber avinga vuah kan nih a inawm hle a ni.

Chutichuan ramhuai kan tih chu thilnung eng-emaw mita hmuh theih loh, a chang changa hmuh-theiha rawn inlar thin, mihringte aia chak leh thil tithet zawk, thih pawh thithet lo an ni a Hmuh theih a an rawn inlar chang pawhin pianhmang leh hmel dang dang nein an lang thin a ni. Chutianga hmuh theiha an rawn inlar changa an pianhmang leh khaw-sazia atang chuan kan pi leh pute chuan an hming an lo vuah hrang thluah hlawm a ni

Mizotena ramhuai kan han tih taka te hi chu ramhnuai cheng an ni deuh bik a. Sih-ah te, thing lian deuh leh lungpu lian deuhvah te, tlang sang leh lian deuhvah te awm berin kan hria a Amaherawh-chu, he lehkhahu-ah hi chuan mihring nilo, thilnung danglam deuh, 'Ramhuai' nungchang lampang hawia awm chi reng rengte chu ramhuai tin kan sawi vek mai dawn a. Heih thil remchang zawk nia hriatna avang a ni. Khawvelah hian Mizo hnam hi ramhuai hmuzing pawl leh hrechianber pawl kan nih hial a rinawm.

Bung 2

MIZOTE RAMHUI HRIATDAN

Kan pi leh pute hunlai kha chuan Mizoramah hian mihring an la thawl em em a Ramngaw dur pui pui leh ramhuai pik tak tak vek a la ni a Anmahni kan chu pasaltha leh ramvachal, sapela ramchhuak ta reng reng leh ram palailenga vak vak thin an ni a. Lo vat leh lukala, ramhnuai ngawpu kara zan riakfo thin an ni bawh a.

Chutiang an nih avang chuan ramhuai pawh hi an lo hmu zingin, a thawm pawh an lo hre tam reng thin a ni. Tunhnu lam atanga han thlirkir a, han chhut chian hi chuan, kan pi leh putena ramhuai ni ngeia an lo puh thenkhatte kha chu, ramhuai ni lemlo, thildang thawm engemw, an hlauh vang leh an fiah ngamloh avanga thil an hmuhsual, ramhuai anga an lo puh mai mai ni ngein a hriat theih a Chung ang thil avang chuan tunlai mi thenkhat hi chuan ramhuaite hi awmlo anga ngaihna kan neih phah hial a Hetiang ngaihdan neitute hi an demawm hranpa lem love

Amaherawhchu, kan pi leh pute kha mi dawizep tak tak leh thil chhui chiang ngamlo khawpa tlan-chhiat ching vek zawng an nih a rinawm bik lova, pasaltha leh huaisen tak tak, thil engkim a nihna ang anga hmachhawn ngam leh fiah ngam pawh an awm ve ngei a rinawm a ni Lehkha an thiam loh avanga a leh mawl lutuk vek an nih bik pawh a rinawm bawh hek lo A diktak pheichuan tunlai thangthar lekhathiam leh fing inti keiniho ai hian thil kha an chik ngunin an hriatna kha a zauzawh mah tih theih a ni tlat Chuv. ngin a za vek chuan an thil lo sawite leh hmuhte kha dawt leh diklo veka ngaihsaka hnawh faisak vek chu thil ngamawm loh tak a ni Theihtawpa fiah tuma an beih hnu pawha dawt a nilo tih an hriatchian leh thildang puhtur awm haulilo khawpa ramhuai ni ngeia an hriat pawh tamtak a awm a ni Chuvang chuan an thil lo hriatdan leh ngaihdante hi chipchiar deuh leh famkimtaka chhui hi a phu pawh a phu viau a ni

Kan pi leh pute khan ramhuai hi sual deuh leh tha deuh te, hlauhawm bik leh hlauhawm lo deuh a awmin an lo hre thin a A sual deuh mihring tihnat ching nia an hriatte pheichu anmahni tihlungawi nan anthawina chi hrang hrang an lo nei thin a

A thente' erawh chu chuti taka hlahh leh biak hial turah chuan an ngai lemlo va, a hlahh erawh chu an hlahh ve deuh tho a ni Kan sawi tak ang khian hmuh thetha an-rawn inlar changa an pianhmang leh khaw-sazia ang zelin ramhuaite chu hetiang hian an hming an lo vuah thliah a An nihdan' phungte pawh an lo sawi thin a ni Kan sawi tawh ang khan ramhuaite chu a tha'chi leh sualchi an lo then hrang a, a tha chite chanchin kan sawi hmasa ang a

RAMHUAI THA CHITE

1. SIHAI (Si hi 'Buhsi' kan tiha si anga lam tur a ni a, Hai hi Haite tiha hai anga lamrik tur a ni) Kan pi leh putena ramhuai zinga nunnem leh zaidam-bera an lo sawi thin chu, Sihai an ti a ni Rampalai-leng leh daipul hnaiah an awm deuh ber thin An pianhmang chu naupang duhawm tak ang hi an ni a, an lu hi a kir deuh chhip chhep hlawm a. Mipa leh hmeichhuate pawh an awm ve bawh Hmanlai chuan mipa naupang duhawm leh lukin deuhthe hi chu, ' Hei te Sihai pa i an reuh hi maw le' an lo ti thin a ni

Ramhuai naupang nge an nih a, ramhuai te chi hrim hrim tih erawh chu an sawi thei chiah lo a ni, Mahse chak tak tak an ni a, mihring hi chu patling pawh duh duhin min chinglet tawp tawp thei vek a, mi tihnat erawh chu an ching lo nun an sawi Hmuh dang khua Pu Rengchhunga pawh amah chauhvin ramai a riak a A mutlih hlanin Sihaite chu an lo ka'a, A han harn chuan mak a ti hle maw a Naupang mai niin a hria a, han va' vel a tum a Mahse anni chuan an duh duhin ah chinglet la tawp tawp mai a

A hnap khirte an kheuhsak baw k a. Tih erawh chu an tina lova, mak a tih thu a hrilhfak a nı. Amah hı mihlim a nih avangin a hlau hranpa lem lo a nı.

2 MAIMI (Mai hı Mai a tai tiha mai lamdan ang a nı, mı hı mihring sawina a mı an tam hle mai tiha mı anga lamtur a nı) Maimı hı ramhuai tha leh hlauhawm lo pawla mı baw k an nı Muthilh hlana mı lo zial emaw thawhat tir emaw an ching thin a, mı tihnat erawh chu an hmang lo Chutiang an nih avang chuan naupang hote hian an cho thin a, puanin an inzial hnan tlat a, chhuatlaijah te an mu a, 'Maimı aw mı zial mı zial' tın an ko thin a Hmanlai chuan naupangho hian hetiang a tih hı intihhlım nan tak an hmang thin a nı Cho chhuah emaw leh koh chhuah emaw chu an har phian a nı ang, cho chhuak ta sawı tur hria an awm lo Mahse awm ngeia ngaihna zawng an lo nei thin a nı A pianhmang awm pawh sawı thei an awm lem lo

3 RAU (Thlarau tiha rau anga lam tur) Rau pawh hı ramhuai hlauhawm lo pawla chhuar baw k an nı In vel leh daibul, naupangho chet tlat phakna vel hı an chenna ber a nı thin, mı thil duhlaithe hı an thuhruksak thin a, zawn nek a ngai thin a nı, anmah-nı tih lungawıdan chu a ho ang reng khawp mai, thil bona lai velah khan maimitchhing tlat chungin 'Rau aw mı chhuah mı chhuah, mı chhuah loh chuan ı pı pawngpui ka halkang ang e' tın vawithum han chham ıla an rawn chhuah ve mai thin a nı. A vauva vau a nih zawk mah chu maw Thilmak ve tak chu a nı naa hetiang a han tih ngat hı chuan a hmaa kan lo zawn kan lo zawn hıan pawh khan kan thil hloh kha a lo awm ve leh mial mai thin a nı An rawn chhuah tak tak nı te pawhin naupanlai chuan a ngaih ve theih viau thin

Tin, mi thilti thalai lo tibuai a, mi lo mawhte hi an hmang bawt thin Chutianga min mawh chuan kan thil thiam zawng takte pawh kha kan tisuai kan tisuai thin a ni. Chu lo lehah chuan mi zubih that te hi zen an ching thin a, chutianga an lo zen chuan zu chu a chhevek thin a ni Hmanlaia Mizoten chawn leh lam khuangchawi te kan chin thin laia naupangho chhipawng tlawh pawhin an thil dil pe duhlote chu hetiang hian an hauzui thin a, a rualin an chham dual dual thin a ni Chhipawng tlawh tih hi mi thenkhat chuan "min pawng tlawh" an ti bawt

Thi ang che, thi ang che,
I ngal ngetin thi ang che,
I zu, rauvin zen rawh se, tiin

Chutiang chu an nungchang pakhat a nih avangin sazu (zu-in) zingah pawh thil dahthat lo khawih chingpen hmang tak mai, sazu tih pawh niawma mawilo hiala lo awm thin leh amah hmuh leh thah har tak mai si hi, 'Zurau' tiin kan vuah ve nghe nghe a ni. Rau zingah chuan Hauhan Nu, mi thenkhatin haihan nu an ti bawt hi a larber a ni awm e Nu thatchhe tak leh nawmsip ngaina deuh mai a ni a Zawn hi puam a tihzawng tak mai a ni, an ti. Chutiang a nih avang chuan thil tihbo changte hian hauhan nu zawna hi hnangin han siam ila, chumi zawn chung chuan zawng ta ila hmuh a awlbik a ni, an ti thin. Hei pawh hi ngaihbel turting chuan hmuh phannan an hmang ve fo bawt thin zu nia, A rawn chhuh tak tak pawh a ni mahna.

4. **RAWT** (Chemtatrawta tiha rawt anga lam tur) Kan pi leh putena ramhuai zinga dawihbera an lo sawi thin chu 'Rawt' an tihho hi an ni An pianhmang leh nihphung engmah phe chu sawi thei an awm lova, nimahsela, lova riah naah te hian mi tih-thaih tumin an rawn kal ve thin a 'Rawt, rawt, rawt' tun an rawn hram noh noh thin a ni Mahse, an dawih em avangin zawite pawha thawm han neih hlek chuan an tlanche leh daih mai thin a ni Mihringte chungah thil paw engmah an khawih ngai lova, hlahawm awm pawhin an khawsa ve ngai baw lo a ni

5 **KHUALTUPUI** Khualthpui hi ramhuai hlahawm lote zinga chhiar an ni Mihring hriat tura an thawm neihdan deuh ber chu thlamte an sawi chiam thin a, an mahn tak inlan lem lovin an kiang leh mai thin a ni Thum deuh hlet hlut hian, 'Khualtupui kan si lo maw' tun an phun bul bul thin a ni an ti Mihring tihnat leh an paw sawi erawh chu an hmang lem lo a ni awm e Hmanlain Darzo velah pasaltha huaisen tak mai Nohuaia a awm a Sa a kap thei hle baw a zukpui phe hi chu chi hah theih a inring hial e, an ti a Nohuaia chu khualtupuiin an hlau hle nin an sawi Khualtupui an rawn kal tawh hi chuan, 'Khawinge Nohuaia kha han ko teh u' an tih phawt chuan an kiang duak zel mai a ni

6. **HMUTTHLA** : (Hmui tih hi Lenhmui tiha hmui anga lam tur a ni a, thla hi thlarau tiha thla anga lam tur a ni) Hmuithla hi ramhuai ang a ngaih theih ve, mahse, mihring ang taka ralkhat deuhva inlar thin ni-in ansawi Hlahawmlo te zinga chhiar an ni a, an rawn inlar chang pawhin hnaih theih pawh an ni lova, pan hnaih dawn chuan hmuh loh karin an lo bo leh mai thin a ni

7. **KHUAVANG** · (Vang, chuvangin tih vang lam dan anga lam tur). Khuavangho pawh hi kan pi leh putechuan ramhuai tham nia an lo ngaih thin an ni. Mihringte pawh hi min enkawlin min veng thei hial niin an lo sawi thin Pangti khawimaw laia thildum te tak tote awm thin pawh hi khuavangin min briat hran theihna tur omaw, engemaw vanga min lo chhin chiahna min an lo ngai a, a hmingah pawh Khuavang-chhinchiah an lo vuah a ni Naupan lai chuan luah thil engemaw bawhlhlawh a lo awm palh chuan "Lu chung a dere dere, khuavangin chhinchhiah chhin-chhiah" tin kan in aukhum thin a Hei hi Mizo nau-pangho infiamna leh intihlimna chikhat a ni fo thin

Kan kiang velah te hian hmuh theih si lohvin an khawsa ve a, mihringte ang bawkin nupui pasalte pawh an in nei ve a, chhungkuate pawh an din ve thin nun an lo sawi a ni Mihring bula an rawn kal hnaih phang hi chuan mihringte tawng hi an phal lova, an sawi turte hi an theihngihlir tir thin a ni an ti, Chuvang chuan awmkhawmnnaa titi mar mar lai kan han ngawih real thap hi chuan 'Khuavang kal lai' kan ti thin a ni, Dik tak ang maw le? chutiang tak chuan mihringte chungah pawh thu neiin an lo ngai thin a ni

Pitar angin an inlar deuh ber thin a A lung tih-awi chuan mal min sawm thei leh an duh loh zawng tih chuan min tichhe thei an ni Liandovate unau pawhin an thlawhlara choak rul put an lo au thla a, an thlamah changel hnatin an tuam tha a Chu rul chu khuavang fa a lo ni reng mar a, khuavang pitarte chuan lawmthu sawi nan an buh a tihpun sak ta vak a ni, tin an lo sawi thin a ni Chuta tang chuan a ni mai thei e, rul chi khat khuavangrul kan tih pa a hian a hming a lo put tak ni

Kan pi leh pute khan ram leilung thleng pawh huan khuavangto hian an lo remfel niin an lo ring chekra ni ang chu lukawr te, tlangdung leh kawnte hi 'Khuavang rikham sa' an lo ti thin a. Lo rite pawh hi hetiang bawhche lutuk hi chuan an lo kham ngai lova, thil thianga lo hialah an lo ngai thin a ni Pathian ang dawn dawna ngaihate pawh an lo nei hial a. Inthawina pakhat Vanchung khal an hmannaah pheh chuan thiamhlaah pawh an lo chham tel thin a ni Amahe lawhchu, ramhuai thachia an lo ngaih avangin a hrampa taka an hnena inthawina an nei lem lova, thilungawi tuma thilhlant pawh an nei chuang lem lo Engemaw manganna leh lungngaihna tawh changte hi chuan inhnem nan tak an hmanga. 'Khua leh vang a awm ang a, eng em kan ti lovang chu' tiin an lo intawng thlamuan thin a ni.

8 LASI (La - Laper tiha la ang Si - "A mi si ti ha si ang) Kan pi, itena ramhuai thamia an lo chhiarho zingah chuan Lasi hi a laiber leh an chanchuan an lo hriat tamber an ni. Nula hmetha tak tak an ni a, tar emaw nup ng emaw an awm an sawi ngai lo Ramsa leh ranvu'h chunga thuneitu an ni thung Ramtinah hian avman an ring tak naa, an hmunpaber nua an ngaih chu Lu h leh Tantlang vel khia ni. Pasaltha ram chhuak e lin an lo en ngun thei em em mai a, ngaihza vng e rawh an lo nei thin a. Chutianga an ngaihza vngte hnem h chuan an inlar a, neth atantepawh an thiem thin a ni. Chutianga nupui pasala inneite chu inzawl an ti a. An zaw'te khan sa kith ter hi an rawn kha'h sak a, an lo kap mai thin a. Chuvangin Lasi zaw'te chuan sa an kap thei em em thin a ni.

“Lasi nulahō chuan, ‘Tlangval hmel tha tak mai silai kenga, iptepui leh diartial nena luidung lungpui chunga til bichhek chhang chhang maia an han perkaı thauh thauh thin hi chu zawl palh an awl ngawt mai’ tiin an sawı ve laih laih thin e, an tia lawm Ran vulh chungahte pawh hian thu an nei tho va, ran piang zınga a tha fawr bik awm thınte hi ‘A Lasi siam an ti thin a ni Chutiang ran ngat chu an thangduangın an hmuıngıl bik thin an ti a, an duh deuh bik nghe nghe thin a ni

Lasiho chungchangah hian thawnthu leh titi pawh a tam hle mai An lalpa chu Lalchungnunga a ni a Lamsial khuaa Lianchea farnu Chawngtinlerhi chu a ngaizawng a, nupui atan a duh em em mai a. A hote a diltir ta a A mumangah hian Lasiho chuan kawrruım khat lai ramsı hi an lo entir a, an lalpa Lalchungnunga nupui atan a farnu chu neih a phal chuan chung ramsa chi hrang hrang chu an kah tir ang tih an lo hrilh a

Hmanlai chuan pasaltha sa kap theite hi an ngaihsan em avangın Lianchea pawh chuan a farnu chu a lo phal ta mai a Tichuan an unauva an fehnaah thlam chunga thilpho a seng laın Lasiho chuan Chawngtinlerhi chu an hrınglak ta daih mai a Lalchungnunga nupui ah chuan a awı ta a ni, an ti Lasi hovın an lalpa mo an lawmdan vel chu zawlnei hovın ‘Zawl zai’ an tihah pawh hla an nei nghe nghe a ni.

Lurhpui ami, Tanpui ami,
 Tuan in rei emaw’
 Tuan kan re’ ‘ove,
 Lalchungnungan Laimı a man e,
 Serhkhua a kham e, tiin

Chawngtinlerhi chu Lasiho lalnua chuan a awm ta a, ramsa leh ranvulh zawng zawng chungah chuan roreltu leh lalber a lo ni ta a ni Chuvangin kan pi leh puteho chuan sa an kahte hian Chawngtinlerhi pek niin an lo ngai thin a

Nimahsela, Chawngtinlerhi chu a inchhir em em thin niin an sawi Titi pakhatat chuan hmanlainn papakhatin an sa channaah hian thil engemaw a theihngihl a, a la turin a zuk kir leh a An sa channa hmunah chuan chawngtinlerhi leh a hote chu an lo tap thiar thiar mai a Chawngtinlerhi chuan puan lu khup chung hian

“Arthla sirte duh vang a,
Ka nu chundurh, ka ramtin fangl,
Enga ka phal ta kher kher kha”

a lo ti keuh keuh mai a A thil theihngihl pawh chu a la ngam ta chuang lova, chuta tang chuan sa channa hmunah engpawh theihngihl sela kir leha lak an duh ngai ta lova, hun danga lakah an khek mai thin a ni Sa aih reng reng hian arthla hi saluah khan an thiat fer thin a, chu chu Chawngtinlerhi chuan a lawm em em niin an lo ngai thin a ni Chawngtinlerhi chuan mihring ang bawkin puante hi tah ve thinin an sawi bawk a A tlangban chu, Lurh leh Tanah a siam a, Lunglei pia deuh Zopui tlang bula tlang chhip phirah hian a puanbulthut chu a siam a A bangtu atan chuan Murpui a hman a, chak zet zet hian an bang fua fua mai a ni an ti Chu mi avang chuan chu tlang hmingah chuan Chawnglerhi puanthin Tlang an ti nghe nghe a ni Tak tak ni ang maw le? Kan pi leh puteho chuan tak tak niin an lo ngai thin a, hlaahte pawh an lo chham tel reng thin a ni Kaihle hla pakhatat chuan hetiangin an lo siam a ni

'Dawn zel ila Murva mah hian,
 Ka chung thangvan zawlan,
 Chawnglerh tahpuan a bang an ti,
 Nang ngaih ka bang thei lo
 Aw, min hnem la i zun ngai vala,
 Ka 'tah sei tur dawn ve la,
 Lungduh tlaidang darang lawmlai bangm,
 Valrianga min hnem la i

Hman laia Lasi zawl an sawi zingah chuan Laim-
 sial khua Thasiama hi a hmingthang ber a ni awm e
 A lasi zawl te chuan an malchungah an chawimu a,
 ' Khai le, Thasiama duhthu han sam teh le ' an ti a
 khawvela duhthusam famkim ber ni hial awmin a han
 chham ta zat zat mai a Mahsela, fa a lo sam hmaih
 hlauh mai a, a dam chhung nun a khawih khawlo zo
 ta a ni Fa a nei thei ve ta lova Mathusela dam chen
 down lai a dam a, a habal ngawt pawh Paiper khat lai
 a khawl khawm a Nimahsela, fa a neih ve loh avang-
 m thangtharho nun ning ringawtin a thi ta a ni Fa lo
 sun tel ni pheisela chuan tun thleng pawl hian a ka
 dam mai thei a, khawvel record Mi-o futen kan khum
 dawn a lo ni reng mai a, a pawl hle a ni

'Titi pakhatat chuan heti hian an sawi thin a ni.
 Hman lai hian pathlawi pakhat leh tleirawl hi an ram-
 chhuak dun a Tlangdung pakhatat hi un nula pakhat
 hi an va hmu hlawl mai a, pakhat zawk chuan Dar
 Em mawizet hi a phur a, pun maw tak a sin baw
 a, ralkhat deuhva an awm lai chuan heti hian thi a
 ruahman ta a. A pathlawi zawk chuan, khai le, saw
 lasi nula an ni ngei mai le I zawl ang khai Keen a
 himeltha zawk, em maw tak phur saw ka zawl ang a

Nangin a pakhat zawk saw zawl ang che aw⁷ tui a duh a thlang ta a. A rawt ang ngei chuan an va kal hnai a, zawl atan an va thlem ta a. Anni pawh chuan an lo remti ve mai baw a. Tichuan an zawlte ve ve chu an kal hranpui ta a.

Nimahsela, a upa zawk chuan a duh a lo thlang sual hle mai a lo ni a. Tleirawl zawk zawl kha Lasi nula a lo ni a, tlangkhan nu m lamah an kal a, sa a kahtir ta zawt zawt mai a. A upa zawk zawl ve kha chu Phung nula a lo ni a, kawr ruam lamah a chhuk-pui sauh sauh va. Tumbu khanngte hi an satthla ve ta mai mai a. A duh leh a namthui a, a chilphuan te chu a tla ta mai nuai mai a ni, an ti. Heta tang hian Mizovin phungzawl kan tih hi a lo chhuak ta a ni mai thei e. Duhthlanna pawh hi mi vanduai tan chuan vanduai na belhchhahtu a lo ni thei a ni tih a chiang hle mai.

Titidang lehah chuan heti hian an sawi baw hman la hian Buizova hi Tantlang velah a ram-chhuak a. Kham chhawrdawhah hian Lasi nula ho hmeltha deuh deuh mai hian puan an lo tah hlawm a. Buizova chu tiangval hmelchhe tik a nih avangin nupui pawh a hmu o lo a ni a. Mahse nula hmeltha tak tak a va hmuh chuan tiangval ve lem ta chuan a ngai-zawng ta hle mai a, a va rim ta hlawm a. Lasi nula ho chuan an lo kawm hlim thiam baw a, sapel ngaisak lek lo chuan a rim rileng ta zak mai a. Lasi nulate chuan Buizova chu nula lem din velte an hrilh ta a. Zui hian nulate chu lem ve baw tur a ni ng i tin zaithiam darte, an zirtir ta a. Chuta tang chuan Buizova chuan aichu a thiam ta em em mai a ni. Khua chu a lo tlar ta hle a, mahse hawn pawh chu a ngaisak lem lova. Nakinah chuan Lasi nula ho chuan an puanbu an zia¹ sawk sawk a, lungkeh karah chuan an luhsan ta dia¹ mai a, hrilhmai zet in a awm ta mai a.

Hawng tur chuan a kal chhuak ve ta a Mahse
khua a lo thim dawn ta mai si a, a mangang chuan
het hian hla a siam a, a han sa ta a

‘Nı tla chıai e, chhuihthang ka kalna,
Sialı lengin ka khua min thlen u’
Sialı lengin ka khua min thlen chuan,
Chun tawnah leiang ka hril ngeı ang’ tın

Chutiang taka a mangan thu a han chham chuan
Lasiho chuan an khawngaih ta hle mai a Nula pakhat
chu an pa chuan Buizova thlah tur chuan a tir ta a A
han kal a, thilsen tha tak tak, tamfe hi a pe a, ‘Hei hi
ı kalna turah paih zel la, ı kalna a en zel dawn nıa’ a
tı a, a kırsan leh ta mai a Tichuan Buizova chuan a
kalna turah chuan chu thilsen chu a han paih a, a
kalna chu a en a, a kal ta a A ral veleh a dang kha a
paih leh zel a, ın chu a han thleng ta hlawl mai a In
a han thlen chuan a thil paih kha pakhat chauh a nei
tawh a A han enchian nak chuan Thıpuı sen tha
deuh mai a lo nı a, a uı leh hle mai a, mahse a dang
kha a lo paih zo tawh sı a, tıhngaihna a awm ta lo a
nı Chuta tang chuan Buizova chuan zai a lo thiam ta
em em mai a, khawvela zaithiam ber a lo nı ta a nı, an
tı Tunlai hian la dam nı ta sela, khawvel fangin a
han zai ang a, a hausain a lar duh hle ta ve ang

Heng lo pawh hi Lasiho chanchın sawı tur tam tak
a la awm a, sawı vek sen pawh a nı lo Tunlai thleng
pawh hian Lasi zawl niawm tak sawı tur chu an la
awm ta fo mai. Nimahsela kan sakhua nen a ınrem
tawh loh avangin engahmah kan ngai ta lem lo va,
thil duhawm lo lamah kan ngai ta zawk a nı Ramsa
leh ranvulh chungchangah pawh Lasiho chu kan lo
hnawl ta a, engkim hi Pathian siam leh ruat an nı
zawk tıhte kan lo hrefiah ta a, a engthawl thlak ta hle

a nih hı, kan Kristian hmasa hote pawhin Salu lawm-
na hla heti hian an lo siam ta zawk a nih kha

‘Zion nı a lo en hma chuan,
Hnam zetın hian,
Sa hı buannelah an piang a,
Chawngtinlerhin a siam an tı
Imanuel Lal siam a lo nı,
Kan tan a rawn phal thin,
Lal hmangaih kan chang e

9 PHEICHHAM (Phei-pheikhawk tiha phei
anga lam tur, chham hı tlachham tiha chham ang)
Pheichham hı ramhuai thamia ngaih an nı tak nain
hlauhawm ve tak chu an nı Ke khingkhath chauh nei
an nih avanga pheichham tih a nı a, thenkhath chuan
pheikhath an tı bawk Amal ngawta awm chi an nı a,
rampalaileng leh luidungah te hian an awm deuhber
thin nıin an sawı, ke khingkhath chauh nei annih
avangin tluksual leh chetsual an ching hle a, chutiang
hunah chuan an tho leh lawk thei thin lova Tanpui
hlauh chuan an lawm hle thin a, ‘Engnge ı duh?’ tın
mın zawt var thin a nı, an tı Chutiang hun chu kan
pı leh pute chuan duhthusamna hun remchang tha ber
nıin an lo sawı a nı Kan sawı apiang chu a neih
theihin a nih theih nıin an sawı thin Chutiang a nih
avang chuan rinloh taka mıin vanneihna leh thil tha
an lo chan thut hian ‘Pheichham man reng reng a nı
alawm’ kan ıntı thin a nı

Nimahsela hetiang hunah pawh hian fimkhur
chu a ngai hle tho va, sawı sual palh hlauh chuan
chhiatna leh thil pawı tak a thleng ve thei thin a nı
Hmanlaun pa pakhat pawhin pheichham tlusual a
kaitho va, ‘Engnge ı duh?’ tın a lo zawt a nı awm a.
A hmanhmawh lutuk a tawngsual ta hlauh mai a,
‘Thih theih loh, nat theihloh’ tih a tum a

Mahsela, 'Thih theih loh dam'theih'loh' a ti ta
tlat mai a 'A dam thei si lova, a thi thei baw si lova,
hrehawm tuar reng rengin a khawsa ta e, an tia lawm
Thil vanneihthlak ni baw mahsela finikhur ngai tak
zawng a ni

Pheichham thlual kaihthawh hi thil harsa leh
huaisen ngai ve tak tur zawng a ni lawm e 'An hmel
landan a tihbawm hle nin an sawi. Hman deuhlai
khan Pukpui khua pa huaisen ve tak mai Pu Chhang-
kunga pawhin luidungah a hmu a. A kulna lam turah
hian lungpui chungah a lo tav h h m'leh ut ut mai
thin a. A hiauh a hrihtak a ni. A hmu Chiang baw ni
tur a ni. A hnu amuh chuan khaw danga putar pakhat
a hnuhm a Pheichham hnuh a an ta a sawi thin a,
Saw mi ang deuh chiah saw a ni e, a ti thin a ni. Chu-
vangin helam kawng vanneihna khum tur pawh hian
pa huaisen deuh nih a ngai nin an sawi thin

Mizote hian tui mak pui pui hi kan ngah ve hle
mai a. Baichi khuaa Seipua a lai lain an khuang-
chawinaah zankhat chu pheichham a rawn tel ve a. A
thim lam hli a haw a, lam a thiamin hla hri vel lah a
thiam si a, an hlimpui hle mai a. Tumin an hriat si
loh avangin pa pakhat chuan hriat chuan a duh ta a,
meichhe in a han en thut mai a. Chhuat awngah a
puttha ta dah mu a. An zuk enzui chuan hriak
khinkhat chauh an hmu a, Pheichham a nih an ring
ta a ni, an ti. He thil hi a mak viaw na a, tak tak nin
upaho chuan an sawi thin a ni

RAMHUAL SUALHOTE

Kan pipate klian ramhual thalo leh suai, mi tih-
nat hmang pawh chi tam tak an lo hria a. Mi an tih-
nat shang chuan anmahni tihlungawi nan, inthawina
chi hrang hrang an lo hmang thin a ni

Chutianga inthawı ching an nih avang chuan mi thenkhat chuan kan pi leh pute kha ramhuai bia nin an lo ngaih phah hial thin a ni Nimahsela, ngun taka an tih-vel-dan han chhui chian chuan sakhua ang tak taka an lo biak chu, Pathian a ni zawk a An hriat chian loh avang erawh chuan an lo rinbiak deuh pawh a ni Ramhuai laka an inthawina hlate han hriat chuan an vauvin an tihdei mai mai zawk thin a lo ni Ramhuai sualho chanchin lo chhui leh ta ila, chi tam te an awm leh bawk a ni

1 TAU • Tau hi ramhuai chikhat, hlahhawm ve thei tak an ni Chhunlawnah hian khamkar vel thingzarah te hian nilum ann an thu duai duai thin a, an luvunte hikin an hrikte an en thin nin an sawi Hctiang hi Tau luhik an ti deuh bik a ni Chutianga an awm hmuh chu an mi melh ngwt pawh lukawlh rawta natna a ni, an ti Tin, zanah hian a rualin kham leh ngaw velah te hin meichher chhin an kal duah duah bawk thin a, mahse ralkhat atang chauhva hmuh theih an ni thin Chutiang chi chu lau meichherchhi an ti bik a ni Engmah hlahhawma awma cawh chu an nei ngai lem lo thung

2 KHAWHRING (Khaw - khawchhia tiha khaw ang Hring - hring tiha hring anga lam tur) Khawhring hi chu ramhuai sual leh vir tak an ni Mi thineih an it avangin an buanthlun an punte an tihnat-sak thin An kawchhungah an iut a, anmahni hmang chuan an thil duh leh phut chu an iavn sawi chhuak thin a ni Chutianga mi an buanthluk a, an pumte an tihnat chuan an chhungten 'Tunge in nih a, engnge in duh le' tiin an zawt thin a An thil duh leh ngente chu, chu mihring hm ng chu an rawn sawi a, 'Chumi chu ka ni e, in thi chumi khumi hu ka duh a ni' tiin

an rawn inpuang thin a An thil ngen an pek chuan an lungawı ve mai a, an chhuahsan leh mai a, an mi buan thluk pawh chu a lo dam ve leh mai thin a ni

Dan naranın nula hmeltha deuh hian khawhring hi an nei duh bik a Chutiang a nih avang chuan mi thenkhat chuan initsikna leh intihmingchhiat tumna avanga inpuhna mai mai niin an rin phah a, khawhring hi thui awm tak tak niin an rin loh phah a ni Nimahsela, chutiang ngawt chu ni thein a lang lem lo Mi thenkhat khawhring tai thiam an awm ve a, chutiang mi chuan khawhringin mi a buan thluk chuan fenthirah hian tui an bun a, an han tai nauh nauh va, meiling an han thlak sar sar a Chumi tui chu an han intir a, mi tui tui chu an dam ve mai thin a ni Khawhring jumna hi chu an mar atangin an hre thei a Hman lai chuan an thil ei tur reng reng hi khawhring an tham hmasa ziah thin a ni Khawhring ang deuh bawh hian Ramhring pawh awmin an sawı bawh

Khawhring chungchangah hian thilmak ve tak a awm a Kan rama Vai an rawn len hnu leh Sorkarin min awp hnu hian khawhring neih leh khawhring neia inpuh hi in khap ta a Dan bawhchhiatna leh thilsual, hiem theih thilah an puang ta a Chumi atang chuan khawhring hi a reh ve ta mai a, a mak hle a ni Nimahsela kan pi leh pute hun lai kha chuan thil awm tak tak niin an ngei a, khawhring neih avanga khua atanga hnawhchhuah takte pawh sawı tur an awm nual a ni


3 KHAWMU (Mu-Khumah ka mu tiha mu anga lam tur) Klawmu hi chu ramhuai sual, mihring hruiabo leh aıbo ching an ni Mihing ram kal chin hriat lohva bo ta duhte hi 'khawmu chawıbo' anı thin a ni Hetianga bo ta daih hi Mizoramah

hian sawi tur an awm fo mai Thenkhat chuan bo hlen daih a, thenkhat erawh chu ni engemaw zat hnuah an hmu leh bawh Hetiang mi hi anmahni zawnga mipui an vah huai huai pawhin an sulhnu hmuh tur reng reng a awm ngai lova, a chawia chawibo an nihte pawh a rinawm thei viau a ni

Khawmu chawibo an sawi zingah chuan Lunglei bul Thuampui khuaa pitar pakhat Chhangchhan an tih chu a chiang ber pawl a ni awm e A hun lai chu kum 1920 vel kha a ni a Amahin Aidu khawrh turin a chhuak a, a bo ta daih mai a A khuain ni 4 vel an zawng a, an hmu zo lova A su'hnu an hmuh ber chu a puan lukhum Aidu buk lera lo awm chu a ni mai a An beidawa hnu chuan amahin a rawn hawng ve leh ta mai a ni

Ama sawidan chuan Aidu bula a awmlain an la a, khawchhak lamah an thlawhpui ta daih mai a Pukah an dah ta a Chu an dahna puk atang chuan an khaw mei engte pawh a hmu thein a sawi Jawk an tih hnu chuan an rawn thlawh thlakpui leh ta vang vang a, an daibul Chempui Thlan an tih kiangah an ngat leh ta a Chuta tang chuan inah a hawng ta a ni A emah chuan meivap hi a phur teuh mai a, khawia mi nge a lak hriat a ni lo An tawmna puk ami a ni mai thei Amah chu chumi atanga rei vak lovah a mit a del ta nghe nghe a, a mak hle mai

Khawmu chaw mi thenkhat an hmuh lehte chuan anmahni hruaitu mihring ang tak tak awm thinin an sawi a Ram palaileng leh kham kirah pawh kal sela, kawng tluang nuam taka kalin an inhre zel thin a ni An ei ber nia an sawite chu Changpat te, Sadaek te a ni Heng thi hi dawt a ni uge, hin ti d wn ila thil



awm tak tak a'ni ve llat mai a, a mak mang e tih
mai loh chu tungahna a awm lo a ni

4 TULUM : (Tu - Tufar, Tumau tiha tu anga lam
tur Lum - Runlum tiha lum anga lam tur) Tulum hi
chu ramhuai chikhat mak tak tak leh raphlap tak
taka chet hmang a ni thung Mihring thi tawh hnu
kawchhungah hian an lut a, chu mihring hmang chuan
mak tak takin an khawsa ta thin a ni Rei tak erawh
chu an dam tawh chuang lem lova Tulum a chhuah
veleh khan an thi leh chawpchihi mai thin a ni A
hranpaa niding tihnat leh tikhawloh chu an chung
lova, nimahsela mitthi lo nung leh a, rapthlak tak
t ka an han khawsa ta thin chu an hlauhawm em
thin a, miten n rap thei hle thin a ni

Titl pakhatah chuan heti hian an sawi Hman lai
hian pasaltha rammuhio zinga pakhat chu ruih an
that a, a lu an tan a Tulum a lo lut ta a, lubang
chung chuan an mah a hawng a, an kawngkhar chu
a rawn bawhtla duai mai a A nupui hnenah chuan
'Chaw ei min han siam teh' a han ti a A nupui
chuan nau a lo mutui lai a ni a, a rawn tho thei
lova Mei pawh tu h ensak lem lo chuan, 'Kha pa-
thlanga kha chawbe' a awm kha, nangmah khan lo
insiam mai rawh' a han ti a Nimahsela mihring a
nih tawh loh avugun chaw eidan pangngai pawha
ei ta lo chu in lubul chung chuan a bel chu a nawr
ri ta chawkw chawkw mai a.

A nupui a ngah thalo chu a rawn thova, 'Eng i
ti tangai nge ni a, chutia a bel a nawr tak chawkw
chawkw mai ni?' tiin mei chu a han tawh eng a A han
enchian nak chuan lubul metmut leh thi song sung
chuan bel chu a lo luh ngu ngu mai a A hlauhawm
chuan, 'An' a ti tuar a, kawngka hawn leh tlanohhuah

a rual ta a Mahse a bawp khingkhatah a man hman a, a phihbal hlawk a, a thi ve ta a ni, an ti A rapthlak duhawm hle mai

Chutiang an nih avang chuan tunlai thleng pawh hian mi nataka an inhlam a, na tiawm lo tak leh harh taka an awm chuan Tulum a lut a ni ang e' kan la ti thin a ni Ramsa zingah pawh hian savawm hi mihring hmai eng zahpah lek lova sawisak vak ching a nih avang hian tulum nungchang nen hian inang deuhvin kan lo hre chek a ni ang chu, hla thu lamah chuan "Tulum leng phuarvawm" kan lo ti thin a ni Thehlei chi khat hian hik leh dum deuh hi 'Hlei Tulum' kan lo ti bawk a ni Hman lai deuh phci chuan tulum lut hi upate chuan sawi tur an hre nual a ni

5 PHUNG (Phung-Thingkung tiha kung thluk dan anga thluk tur) Phung hi ramhuai sual leh hlauhawm zinga mi an ni Hlauhawm leh rapthlak taka mihring mithmuha inlar an ching hle a ni Lian-pui mai, hang ren run leh hmul deuh thum an ni Anmahni himuh ngawt pawh lukawlh rawta natna khawp i ni deuh zel Phung hi chi thui lai awmin an sawi

1 KAWLKAWLHA PHUNG Mizo upatena Phung hlauhawm bera an lo sawi thin chu Kawlkawlha Phung an tih hi a ni Phung chi dangte hi he-tiang veka an awm theih leh theih loh crawh chu hriat siah a harsa viau Kawlkawlha hi Lungmawia Pawh rawtnaa an pasaltha kha a ni nge, midang zawk tih hriat a ni lova, engpawh ni sela upate hriat dan chuan Kawlkawlha phung tih a ni mai a ni He-tiang hian an sawi thin Kawlkawlha chu tiangval huaisen leh tiawmgai a ni a, kum khat chu lo bing

deuh mai an nei a, an vauah chuan bung lianpui,
taw! lui mai hi a awm a A pa chuan chu bungah
chuan thilmak engemaw tak hi awmin a hre thin a,
mahse engnge a nih a hre thei lova Kawlkawlha
pawh chu a hrilh duh lem lova, ram riah erawh chu
a phal ngai hauh lo mai a

Chutianga lang hlira an thlawh avang chuan an
lo chu an veng zo dawn ta lova, an tul ta hle mai a
Nikhat chu Kawlkawlha chuan ram riah a duh thu
chu a pa a hrilh ta a A pa erawh chuan a phal lo
nasa mai a Nimahsela, tlangval huaisen ve na-
fam chuan a tum lui eltiang mai bawk si a A pa
chuan a thlem thlu zo ta ngang si lova, amah chauh
chuan a riak ta a A pa hawn hnu chuan Kawlkawlha
chu a bung ta ngat ngat a Khua a lo tlai tik deuh
chuan Kawlkawlha kawng kham han zimar vel chuan
an vauva bung zarah chuan thil engemaw dum nel
nel, te takte hi a va hmu a A tet em avangin engma h
ngaihthatlohna pawh nei lem lo chuan thlam lam chu
a pansan ta a

Thlam a thlen hnu chuan tlaitlan atangin a zuk
thlir leh a, a thilhmuh kha mihring tiat vel lai tur hi
a lo ni ta mai a Mak a tin a hlau deuh ta hle mai a
Inti pachang hram hram chung chuan eirawngte chu
a han bawl a A eirawng bawl zo chuan a zuk thlir
thla leh a, a thil hmuh chu a lo lian zual ta hle a, pa-
pui tiat lai a lo ni ta mai a Chutah zet chuan a ngaih
a thalo ta hle a, 'Eng chu ni ngai ang maw aw?' a ti ta a
Nimahsela, tihngaihna a awm tawh si lova, hlau chung
chung chuan chaw chu a ei ta a, Hetih hun hi chuan
khua pawh a lo thim ta a

A chaw eilai chuan a thilhmuh kha thlam bulah
chuan a lo kal a, a thawmah chuan Kawlkawlha chuan
a han en a, a hmu chiang ta a Pa lian em em mai,

hmul der dur leh dum zun mai a ni a 'Eng chu ni ang maw?' tia a ngaihtuah lai chuan chu thil chuan aw thum deuh khul hian, 'Phung ka ni, Phung tak tak ka ni' a rawn ti ta dum dum mai a A hlau mangang chuan, 'Engtin chuan ka ti dawn chu ni maw aw?', tia khur zawih zawih chung a ngaihtuah lai chuan, 'Engtinng e min tih dawn tehreng ni' a rawn ti leh ta zel a, a mangang ta takzet mai a

A mangang lutuk chuan, 'Ka sat vak mai dawn em ni aw' a han ti rilru leh a, a rilru hria chuan, phung chuan, I ngam leh min han sat ta che' a rawn tih khum leh ta zel mu a Chutah zet zawng tlangval huan-sen Kawlkawlha chu a zamche ta takzet mai a A pain riak lo tura a thlem laia a duh lohte kha a in-chhir ta hle mai a A rilru bawkin, 'Engahng e maw ka pan hawng tura min sawm lai khan ka lo duh loh tak kha ni aw' tiin a han ngaihtuah leh dek dek a, phung vek chuan, 'Engahng e duh loh tehreng vei ni' a rawn ti leh ta zel mai a

Chuta tang pheu chuan rilru mumal pawh a nei hlei thei ta lova, engtinng e a awm pawh a hre tawh bawh hek lo Nikinah chuan phung chuan a kutzung-chalin a rawn delh a, a lianin a rapthlak si a, Kawlkawlha chu a e zawih zawih mai a ni Engmah a hre-zui ta lova A tuka a pa feh a zuk thlen chuan a lo harh leh tawh a, mahse a lo pawr em em a, lapar ang mai hian a lo var pep mai a A pa chuan engemaw a hmu a ni ang tih a hre thiam mai a Tichuan engmah pawh thawk lo chuan an haw ta mai a Kawlkawlha chu lukawih rawtin a na ta nghe nghe a, thih erawh chu a thi em lo a ni, an ti A hlauhawm ngiang zawng a ni awme Kawlkawlha ngaihtuah apiang a hriat theih zel avangin mi thenkhat chuan Phung rilru hria-te pawh an ti bawh Kawlkawlha phung ang hi hmu

ve tumah sawi tur an awm lova, heta tang hian Kawl-kawha phung hi phung hlawhawm berah kan pi leh pute chuan an lo sawi ta a ni

2 PHUNGKUR. (Kur-Thing a kur dulh dulh mai tiha kur nen inanga lam tur) Khawlai leh dai-vela cheng thin, phung sang em em mai, kur dulh mai, van tawng hiala lang thin a nih avangin Phungkur an ti a ni A mala hmuh thin an ni bawk In thum lai pawh kar zo an nih avangin thenkhat chuan 'In thum kar' an ti bawk thin Hetiang Phung hi thil awm tak tak nge ni ang a, mihring taksa leh thisen chak loh avanga thil hmuh sual mai mai tih hi hriat a har hle mai Mi thenkhat chuan thil hmuh sual mai maiah an puh ve bawk Nimahsela, phat rual lohva chiang taka hmutute an lo awm ve lawi bawk si a, thil tak tak ni ngei chuan a lang bawk si a ni

Phungkur hmu chiang deuh bera an lo sawi thin chu Tualte khua Pu Chalkunga a ni Kum 1917 vel kha a ni a Amah hi pa tlawmngai leh huaisen, pa tawng zawk zawk lo tak a ni a, lai veng, zawlbuk then-awma awm an ni nghe nghe a Zan khut chu a long hawin Phungkur an tih chu a hmu ta tlet mai a A sang em em mai a Lal in leh an kawmthlangte in kar phuna ding luahin a hmu a A hlau hle mai a, an in pawh pan ta lo chuan Zawlbukah a lut ta a mi-dingte hnenah ohnan 'Zanin chu ka rui deuh nge maw ni dawn a, ka thil han hmuh kher kher chu a va han mak ngai ve le' Ka mitvai ngawt chu a ni hauh si lova' tiin a hrih hlawm a Mi dangte pawh chuan mak an ti hle mai a Rei loteah chuan 'Khaw,-nge ka nan hawng teh nghe nghe ang' tiin a chhuak leh ta mai a

Záwbuk kawtkai a pel fel awrh tihah chuan a
 hum tawh a, a te ta chul mai a Midang an va chhuah
 chuan, 'kha pui, kha pui, ka hlau lutuk' tui a lo kawh
 a, a te hlut mai a. Midangte chuan an inah an hruai
 hawng ta a A hnu deuhvah chuan chu a kawhna kut
 zungtang chu a bul ta nghe nghe a, a mak hle mai A
 laksa chakloh vang mai a thil hmuh sual chu ni hauh-
 vin a hre lova, thil tak tak ngei nin a ngai a A mi-
 zia an ngaihtuahin midangte pawhin an ring vek bawh
 a ni

Hun a lo kal zel a, Chhawrtuah an pem thla ta
 a Chhawrtua an awm hnu chuan a hmu leh ta a ni.
 Hemi tum pheh hi chuan chhun pachangah ngat a ni
 thung Nikhat chu an nu chuan daibul maiah thinglu-
 kham a la a, anin in a lo nghak a An thenawmnu te-
 ho chuan pa inawm thenkhatte nen zu an inho dawn
 a, a rawn sawm ve a Nimahsela a in nghah a tul si a,
 mahse tel ve a duh si avangin, 'Ngawi lawk rawh u,
 kan nu ka han au ang e' a ti a An kawmthlang mai
 atang chuan a zuk au ta a, 'Saithatvung, i lo haw dawn
 tawh em?' a zuk ti a Chutia a han au veleh chuan a
 thlang lam atang chuan aw thum deuh chher chhur
 hian, chher deuh chhuai hian, 'Saithatvung ti suh' tui
 a rawn chhang ta tlat mai a

Chutah ani pa huaisen inti ve ta lem chuan thin-
 rim aw deuh tak hian, 'A tunge maw i nih a, chuti
 kher kher tea min han tih vei chu le?' tui a han au
 nawn leh a Chutah chiah mai chuan a rawn chhawn-
 tu chu a zuk hmu ta a ni. Thingler aia sang daih mai,
 hmelchhe em em leh a hmuhmai velte pawh chik
 hrup hi a ni a, a ding luah mai a A hlau chu a te leh
 ta tengtung mai a ni Chumi hnu rei vak lovah chuan
 a damlo vak a, a thi ta a ni. He, thil hi a mak viau



mai a, thil hmuhsual mai mai chu m thein an ring lo-
va, amah hre chuangtute phe chuan thil tak tak ngei
a nih an ring vek a ni Hman lai ata tawh hetiang
Phungkur kan tih chi hi hmu an awm fo thin nun,
Mizo upate chuan an sawi.

(3) **TUALPHUNG:** Heng chihnih lo pawh hi
Phung chikhat in leh khawchhung kawmkar vela awm
thin la awm fovin an hria a. Hang mek muk, hmul
them thum leh hmel chhe tak mai, an ha te pawh
Fangra tiat tiat nun an sawi Khawchhunga cheng an
nih avangin Tualphung an ti a ni Phung hian piring
hi an duh em em a, an hmu chuan an inchuh luh
luh thin a ni, an ti Chuvang chuan thil kan duh leh
kan inchuh huai huai thinte hi 'Phung zinga piring
vawrh ang mai' tih tawngkam hi kan lo nei ta a ni, an
ti Hman lai Chawngtui khaw thenawm vela an khaw
daia 'Khua tiau, khua tiau' tia in lenthul zuk zuk an
tihte kha tualphung zing ami an nih ngei a inawm

6 **CHAWM:** (Chawm - Daiuah ka chawm tiha
chawm anga lam tur) Chawm hi ramhuai chikhat
Phung nen pawha inang ve tak an ni Luidung leh
kawrruam velah te an cheng deuh ber thin Hmei-
chhia deuh vek an nih avangin chawmnu an ti deuh
khe thin a ni. Nu lianpu, hnute fual diai dua hang
mek muk leh sam hram bebu nun an sawi Kawng-
kawrawi te, Firingte leh tumbute hi an chaw ni ber-
in an sawi bawk Miringte tana hlauhawm lutuka
an chetna chu sawi tur a awm lem lova, an pih-
hriang hrim hrim hi an tihbawm em avang erawh
chuan a hmu apiangin an hlau vek thung a ni

Chawm pawh hi hmu an awm nuala sawi a ni mahse, chiang taka sawi tur chuan Cherhlun khua Pu Chalhianchhunga kha a hmu chiang pawl tak a ni awm, e Amah hi pa ramvachal leh huaisen a ni a, 1977 khan kum 98 ni nun a boral ta a A hmuh hun hi India Independence hma deuh lawk kha a ni Churri kum chuan Cherhlun khua chuan Burma ram ep Tiau kam lam lo atan an nei a Hlo thlawh hun vel hian thlawhlai a chuan engemaw hi Vahmim hram ang deuh, chher deuh chhiai hian a hram thin a Amah an hmu thei mang si lova, an hlau deuh viau hlawn mai a Ramriak ngam pawh an awm mang hlawn lova, Pu Chalhianchhunga erawh chu pasaltha a nih avangin amah chauhvvin a riak lui ta a ni Thla mang lai a ni a, zan pawh a thim viau nghe nghe mai a, a khua pawh a har hle mai a

Zanah chuan thawm engemaw tak briat inbeisei ranin a awm a Meia tuah eng lep 'ep', a ke kawngka lam hawin, a lu char lamah a hawia, tukhuma kut suh meuhvin a mu a Inrin lawk nan tiin Muzuk fei a lu bul lawkah chuan a tung ran mai a Thawm awm leh awm loh ngachang ran chungin a mu ta a Nimahsela, thawm chu a rawn awm ta lawk lova Leng hawn ar khuan hun velah chuan thlawhlai a vahmim aw chher anga hram chu a hre ti a, thlam lam chu rawn pan zelin a hre bawka A hlau hranpa lem lova, a tum dan chuan thlama a rawn luh veleha feia lo chhun vak mai chu a tum a A rawn hnai zel a, thlam luhkiah chuan a rawn chuangkai ta a, thlam pawh chu a che lawh mai a.

Chutih rual rual chuan thlam kawngka chu
 Chawmnu awm bawr chuan a rawn hnawhkhath ta
 mum mai a A hnutebu hian em em mai, zufang bel
 tiat lai mai chu a uai thuah mai a. a hnum tie hlurh
 mai bawk a. A taksa dang cawhchu a lang thei lem
 lova Chet a han tum pawhin a che thei hauh lo mai
 a, rilru harhfim kiau chung chuan a en ta reng mai a
 ni Kutthlak tuma a han beih ngial pawh chuan a che
 thei chuang der lo mai a Rei deuh hnuaa chuan a kal-
 kiang ve ta mai a Thlam leika a pelh veleh chuan a
 che thei ve lehngthal ta mai a A hlau chuang lo bawk
 a, Chumi hnuchuan thawm engmah a hrezui ta lova,
 tui takin a mu ta a ni An lo pawh hi Chawm hmu
 sawi tur an awm nual a Hnahchang khua pa pakhat
 pawhin chhun pachangah kawrruamah a hmu a,
 a hlauh a hrilhak an ti An pianhmang an sawidan
 pawh a inang vek a ni

7 DENG SURU (Deng - Buh ka deng tih ang
 Sur - Chawhmeh ka kang ni sur sur mai tih sur ang)
 Dengsuru pawh hi ramhuai hlauhawm leh sual zinga
 mi bawk, phung leh, chawm lam pawl bawk an ni
 Ramhnuai puk leh thing kawrawng chhunga cheng
 thin an nui an sawi Hlauhawm tak leh kawlh deuh
 mai, tih thinrim pheh chuan mi vawm fur fur
 ching nui an sawi Hetiang an nih avang hian a ni ta
 ve ang Dengsuru an tih nghe nghe ni An pianhmang
 pawh Phung leh chawm ang deuh bawk nui an sawi
 Thawnthua chhuran a man pawh kha Phungpuinu ni
 lovin Dengsuru hi ni zawk awm tak a ni

8 HUAI : (Lala chu mi huaisen tak a ni tih
 huai anga lam tur) Kan pi leh putena ramhuai tia an
 lo sawi ber thunte chu huai chi hrang hrang, an chenna
 hmun azira hning hran hran an lo vuate chu an ni

Hengho hi ramhuai suai, mi tihnat ching an ni a Chuvangin anmahni tlawn leh tihlungawi nan inthawina chi hrang hrang an lo nei thin a ni Mihringte khawsakdan angin an khawsa ve a, nupui fanaute leh chhungkuate nein an awm thin niin an hria An chenna azira an hminghmerh hran ang zelin an chanchin kan pi leh pute hriatdan lo chhui leh thlah ila a fel awm e

(1) TUIHUAI Kan pi leh pute khan li lian leh thuk bikte leh lui tam takte hian anmahni chenchilhtu ramhuai nein an lo ring a, an hmingah pawh Tuihuai an lo ti a ni A hranpa taka mi tihnat leh tikhawloh chu an hmang pawhin an sawi lova amaherawhchu tihlungnihloh chuan mi an tihlum ma thin an ti Rannung leh ramsa chi hrang hrangah te an chang thei a, chutiang pianhmang chuan mihringte hmuhah an inlar thin a ni Mizote hian Tuihuai chungchangah hian titi tam tak, ngaihnawm tak tak kan lo nei a, a larzual pahnih khat chauh sawi ila a tawk mai awm e

Hman lain Chhawrpial huaiten Reiek tlanghuaiho an run a Chhawrpial tlanghuaiho chuan tlawnghuai chu Reiek tlang su chhe turin an pun a Tlawnghuai chuan Reiek tlang chu a lai taka sut chhiat tumina han bei ta chiam mai a Mahse a sut chhiat zawh tak loh avangin Tlawng lui pawh chu a luangkawi ta nghuat nghuat mai a Tlawngnuar kan tihlai hi a lo awm ta a ni, an ti Rihdil pawh khian huai nein an sawi bawka Zawngtlang lai Darkawichhuna chu tui thiam hmingthang a ni a, Rihdil pawh khi a duh duhin a hleuh chhuak thei vek a ni, an ti Nimahsela, vawkhath chu a hleuh lain uangthuang leh chapo tak main, Keimah Darkawichhunchheka, Rihli-ah ka tla ngai

love' tiin a hming a chhal ta a Chutiang chu rihdil
 hualho huatzawng tak mai a lo ni a. Rulfepneiah an
 rawn chang a, an rawn zial ta tup tup mai a, an zial
 hlum ta a ni, an ti

Tlangval tlawmngai leh huaisen hmingthang Van-
 zema pawh Mat li pekhat huaiten an tihhlum niin
 upate chuan an sawi. Hman laia khawthlang tlanghuai
 leh khawchhak tlanghuaite inneih tum pawhin
 Hmawngva lui huai chuan Pusum atan Tiauchhum a
 tel ve an ti bawz zuk nia! Chutiangin li leh lute hian
 huai an nei deuh vekin kan pi pute chuan an lo hria
 a ni Inthawina thiamhlaah pawh khawchhak lam lui
 an hriat hlat ber atangin an chham tan a, an awmna
 tukhurlui thlengin an chham thin a ni Heng thilte
 hi kerni thangtharho ngaidan chuan thil mak leh
 thil awmlo tak h kan ruat mai thei Nimahsela, anni
 ho chuan thil ni tak tak vekah an lo ngatin an la
 urhsun em em a ni tih an thiamhla atangin kan hre
 thei a ni. Thawnthu mai mai leh ngaihruatna maiah
 chuan an ngai ve lo a ni.

(2) **TLANGHUI** Tlang hian deuh leh kham-
 rang nasa deuhthe hian huai nei vekin kan pi pute
 chuan an lo hre bawz a ni. An inthawina thiamhlaah
 pawh khawchhak tlang an hriat hlat ber atangin an
 awmna tlang thlengin an chham thin a ni. Mizoram-
 ah ngawt pawh hian tlanghuai, an hming nen lama
 an lo hriatte tam tak an awm a, an vai pheh chuan
 sawisen pawh an ni lovang A lar zual deuhthe
 chauh sawilang ila a tawz mai awm e Mizoram
 tlangsang ber Phawngpui tlanghuaite chu Tialchhumpa
 leh Darkualpa an ni a, unau an ni nghe nghe a An
 hnam hming pawh Sangau a ni, an ti. Phawngpui
 tlangvela ramsa a tam avang leh chungho enkawlu

an nih'avangin Sangau tih hi hnam hmingah an
ni awm tak a ni.

Mawmrang tlanghuaite chu Sahmula leh a fanu
engthuampui an'ni a, a tlang sanglai kham chung
ungpher tha tak awm chu an tuallenna a nih'avangin
Sahmul tual an ti nghe nghe a ni An hriat chhuah dan
pawh hetiang hi a ni Hman lai hian pa pakhat mu-
mangah Sahmula chu a rawn inlar a, 'Mawmrang
tlanghuai hi ka ni a, kum tinin Kelchalin min bia ula,
mal ka sawm zel ang che u' tin a lo hrih a Chuta
tang chuan chu khuaa mite chuan kum tinin Kelin an
be ta a ni Hlain hetiang hian an phuah a

'Sailo Laldanga changrel a sual ngai lo,
Kelchalpa lu tarmawi kan hlan chhuahtlangah
Dam nan Lengthuampui kan bia e'

Chalfilh tlanghuai ve thung chu Chirhchohpui
a ni a, a chanchin sawi tur a tam vak lo Reiek tlang-
huai chu khawluahlali a ni a, a fanu chu Darthakawui
a ni Darthakawui hi mi thenkhat chuan Ngaiten ni-
in an sawi bawh Hetiang hian Mizorama tlang hian
leh lar deuh douhte hi chuan huai an nei vek a, an
hming leh chanchin erawh chu hriat vek a harsa hle
Mizo titi-h hian tlanghuai chanchin hi a tin pawl
tak a ni awin e Mihring ang bawkin an khawsa ve
a, nupui pas lte nein chhungkuain an awm ve nin
an sawi thin

Man leh mualte tlang pawhin an nei ve vek
a, an man leh mual erawh chu a dang hle hlawm
mai Phawngpui tlanghuai leh Burma rama Chiriang
tlanghuai inner chuan man atan Hauhuk an inpe a,
thuam atan Far kung an inchhawmtir bawh a ni
Chhawrpui tlanghuai tlangval pawhin Reiek tlanghuai
nula nupuih a di a, an inrem theihloh'avangin an
indo vak a ni tih an sawi thin Vawikhat pawh

khawthlang tlanghuaiten khawchhak tlanghuai nula nupui atan an han dil dawn a. An palai atan chuan Thlohpuai an tir a, 'Pakchi ling ling' tui a thlawk chho ta yang yang mai a. Thu a han thlung fel vek a, an innei dawn ta a.

An man inpek dan chu hetiang hi a ni. Hmawngva luhuai chuan Pusum atan Tiauchhum a tel a, hemi avang hian tun thleng pawhin Hmawngva ruamah hian Tiauchhum a lo tam ta bik a ni, an ti Pukpui tlanghuaiin Palai atan Thualthu thing a tel bawk a, tun thleng hian a la awm a, nimahsela a kiangvel hnaiah reng reng zuk awm ve hauh lova! A mak ve ang reng viau mai Saza tlanghuai erawh chuan Ni-ar atan Mungek nupa an tel ve thung a, mahse a pung um lohvah tui thun an indelkhil nghal a ni awm e

Chutiang a nih avang chuan Saza tlangah chuan Mungek chu nupa chauh an awm reng a, tunah pawh hian an la pung chuang hauh lo a ni No an neih pawhin an purthin veleh an pute chuan khawchhak lamah an hrualbo dah thin a, an nupa chauh bawkin an awm leh mai thin a ni Heng lo pawh hi tlanghu uho inneih thu sawi tur a la awm nua! a, mahse kan pi leh puteho ramhuai lo hriatdan tihlan nan chuan tawh khatah ngai tawh ila, a fiah thei tawh ang chu maw

A chang chuan an thu a inhmua lova, an indo vak bawk thin a Reiek tlanghuai leh Chhawrpial tlanghuai indo thu te, Phawngpui tlanghuai leh Chriang tlanghuai indo thute pawh upaho chuan an sawi thin a, thawnthu ngaihnaawm tak a ting a ni Vawikhat pawh Mizoram tlanghuaiho inpun khawmin Burma ram, Lentlang dunga tlang pakhat Inbuk tlanghuai an han run vak mai a. An inbeih dan chu heti hian an

sawī thin Zing nī chhuah atanga tlai nī tlak thleng main khawthlang lam atangin Muchhia leh Thlakawī rual tam em em mai hī an rawn thlawk chho zut zut mai a Inbuk tlangah chuan an fu thuap mai a A hmu aprangin mak an tī a, 'engtizia chu nī ta ang maw' an tī hlawm a

Zan a lo thleng a, a tlang chu mīn ta hum hum ang mai hian a rī ta dur dur mai a A rī atang mai pheī chuan a mīn chhe ta vek ang e, tih tur hī a nī an tī Zinga an va en nak chuan a tlangvel leh kham-hnuaiāh chuan sava leh rul tam em em mai hī an lo thī thal phung mai a nī, an tī Thildang puh tur an hre si lova, tlanghuaiho indo a nih dawn hī, an tī ta mai a nī Heng lo pawh hī tlanghuai chanchin ngaih-nawm tak tak a la awm Zialuang huai hovina Hrang-khupa an lakdan leh an tihvel dante pheī chu thawn-thu ngaih-nawm tak a tling a nī An sulhnute pawh tun thlengin hmuah leh chhinchihāh theihīn a la awm a nī Chuvangin heng thilte hī makin awihawm lo hle mah sela, phuahchawp ngawt zawng a nī lovang e, tih hī a rinawm a nī

(3) BUNGHUAI Thing hian deuh leh mak deuhte pawh hian huai nein an lo sawī bawk thin Chung zingah chuan Bunghuai hī sawī lar deuh ber an nī An hīatdan chuan Bunghuante chu chhuk zawnga chhuak leh pem thin an nī a, ciuvangin Bung awmna hnuai vel hī lo atan an nei ngam ngai lova, ramchang leh ram thapui pui a nī thin a nī Hman lai deuh tawhah khan Bungzang khuai Bunghuai ten an khaw lai nula an man a, am h hmanin thu an sawī thin a, a khuai an manganpui nghe nghe a nī. bung-huaitah rau rau pawh Bungpui huaita hī Pualbung huaita ai chuan an huai zawk nīn an lo sawī thin a nī. Mizoram bung hian leh hmingthang deuhte deuhte

hi chuan huai nei vekin an lo sawi a Lungsen khaw bula Bung pakhat huai phe chu a khuaa thihna nasa tak leh rapthlak thlent nia an ngaih avangin "Thih-mangna Bung" tin a hming an vuah nghe nghe a ni

(4) LUNGPUIHUAI. Lungpui hian deuhte pawh hian huai neim an lo hre thin a ni Hman laia pawh pasaltha pakhat, South Vanlaiphai velarawn chetla thin Phunhnawma pawhin Lungputlanga lungpui lian tak huai chu a be thin nian an sawi Mizote chang pawh kan ni bik lova, hnam dangte pawh hian Lungpui lian deuhte hi chu huai neim an lo ring ve reng niawm tak a ni Theichangbung rama Lungding lian-pui puiawmte pawh Vaiso chuan a bula an kal chang apiangin chibai an buk ziah thin a ni Lungpuihuaita hi huai an sawi zingah chuan kan pi leh putena an chanchin an lo hriat chiangkuan mang loh ber an ni awm e Huai nei chuan an hria a, nimahsela an khawsazia leh an pianhmang emaw chu engmah sawi tur an hre em em lo a ni

(5) SIHHUAI - Sih-ah hian ramhuai chhungkhat emaw tal chu awm zelin hriat a ni bawh thin Sihhuaita hi mihring tihnat leh tikhawloh ching bera kan pi leh putena an lo ngaih chu an ni Chuvangin lo tur an zawnte hian sih a awm chuan an nei ngam thin lova, an nei dawn a nih pawhin an luh hmasa zet thin Luh ah awmzia chu a hmunah inthawina an nei tihna a ni Chufanga an tih tawh chuan sihuaita chu lungawi ta leh blaiahawm lo turah an ngai thin a ni.

Sihhuai zingah rau rau pawh Sakhisih huaita hi a Sakhisih loh soal bera an lo ngaih thin an ni Sih dang huaita chu an luh uah hi chuan an lungawi mai a, Sakhisih huaita erawh chuan Puthiamina inthawi, an tih ni hia, 'Hoi, cho chu, kha kha kan rawn hian a' the u. Nap thuk pangdam ka rawn dilna a ni e' tia an hian chuan pawh hian, 'Kan nu han a rawh u a?'



an la rawn ti hram thin a ni, an tawngin sakhi
 sih ngat hi chu an lo hlau bik thin a ni. A hman ang
 ramhuai awm ni a an hriatna leh an lo takna
 chhan hi upaten hetiang hian an sawi

Hman lai hian Manmasia te nupa hi an awm a,
 an lovah chuan sih a awm a. A nupui chuan an
 thlawhlai sih kamah chuan ting a phun a Chu a
 ting phun chu a lo tha duh phian mai a, a lo len hnu
 chuan a zungzam vel chuan sih chu a zamhnawk ta
 luih mai a. Sihhuai lal inte chu a zamphui ta tlat mai
 a. Sihhuai lal chu chhâm an tih hi a ni a. A lal em
 avangin a mu reng thin a. A mutna velte thleng pawh
 chuan ting zung chuan a zamhnawk zo ta a

An lalpa thinrim chuan Manmasia nupui chu a tih-
 hlumtir' ta mai a. A tih hnu chuan Manmasia chuan
 chu sih kamvel chu a thlofa ta vek a, ting zung-
 zam te pawh chu a pawtfai ta leuh mai a. Tichuan
 sihuai lal in pawh chu a lo faim a lo thawveng
 leh ta a. Heta sihuai lal chhâm atang hian kan
 hla thu pakhat "Chhâm ang zâl" tih hi a lo chhuak
 ta a. Siha thil eng deuh zek zuk awm pawh hi
 chhamek kan lo ti ta bawk a ni.

An lalpa pawh chu a lawm leh ta hle mai a, a
 fanu chu Manmasia nupui han awm turin a tir ta
 nghe nghe a. Mhringa rawn changin an innei ta a.
 An inneih hnu chuan sihuai lal fanu chuan thil
 awmdan zawng zawng chu Manmasia chu a hriih
 ve ta vek a. A man an pekdan turte pawh chu
 hetiang hian a hriih ta a. Hlum in Siu lem an
 sam ang a, a man tur zat chu sih kamah chuan
 an va dah ang a, a pate chuan an lo ladawn a ni
 tun a hriih a. Amaherawhchu, an selem siamna ah
 chuan chil an hnawh reng reng tur a ni lo, chutilo
 chuan sialte chu an kawih duh bik a, lak an harsa
 thin a ni, tihte a hriih ta veka. A siwi ang chuan

selem chu an siam ta a, a man atana an phut zat
chu an va dah ta a Rem takin an inner ta a ni,
tiin an sawi thin

Heta tang hian sih-ah hian ramhuai an cheng thin
a, tihlungawiloh chuan min tinain min tihlum hial thei
a ni, tihte leh a biak lungawi dante thleng chuan an lo
hre ta a ni. Chuvangin an lo tura sih a awm chuan an
luh hmasa ta zel a, sih an tlawh emaw, a tui an in
avang emawa an nat pawhin a thawidan an lo hre ta
a ni Kan pi leh putehuplai chuan dik ngei pawhin
an lo hria a, a dam pawh an lo dampui ve fo thin
reng a ni.

Titidang lehah chuan heti hian an sawi bawh
thin Hmanlai hin Hnahthial khua pa pahni Ching-
neuva leh Lalran te hi amah an riak a An vauah
chuan Arbawh sih a awm a. Zanah chuan chu siha
ramhuaiho chuan an chawng chennaa felve turin an
rawn sawm a, 'Engnge a an tehreng' tih hriat duhin
hlau deuh chung chuan an zu ve ta a Meichher chhiin
an kal a, chhun lama la chian leh atan tiin in an luh
dawn kawtkaiha chuan an meichher ek chu an nawr-
thla ta vak mai a, pakhat zawk chuan a thingkul chu
kawngka biangah a thiat bawh a. An chawngchen
chu an lo hlim kle mai a Mahse, mihring lo tel ve tur
chuan an hlau deuh nia an hriat avang chuan he hla
hi an lo sa dual dual mai, an tia lawm.

'Min hlauva lo nge, min hlauva lo nge?

Nuando chawnban kan kai ngailo, min hlau-
va lo nge?' tiin. Chutah zawng an hlauhna pawh chu
a reh ve ta a, hlim takin an zingah chuan an tel ve a,
chawng chu an chen ve ta a

Rei mawi tawh tak an tel ve hnu chuan an hawng
ta a. Ramhuaiho chu an hawihhawm khawp mai a,
an hawng tur pawh chu an thlam thleng chuan an

han thlah leh a. A tuk khaw engah chuan an kalna
 ve chu an zuk chhui ta a Kawtkai ni maia hriaa an
 meiek nawr thlakna kha chakâi kaw kâm lek hi a lo
 ni a, kawngka biang nia an ngaih chu chakâi kaw ko
 a lo ni reng bawk a Thingkul pawh chu a lo la inthiat
 ve nghe nghe a ni In nuam tak nia an lo hriat pawh
 chu Hnahthial lung huai chakâi kawchhung e lo ni
 reng mai a ni, an ti Tin, kawng nuam tak anga an
 kalnate pawh kha ko sang pui pui leh awihten tak tak
 vek a lo ni bawk a ni Ramhuaiho chuan tumah hrih
 lo turin sakhi thingchung an lawn a, an sawi vaih
 chuan an tan a pawl ang, tin an vau zui bawk a Ni-
 mahsela, pakhat zawk Lalpana chuan sawi a chak ta
 tlat mai a A sawi ta nghe nghe a Chumi hnu lawk
 chuan a damlo ta vak mai a, a thi ta mai a ni A
 damloh laia a thianpan a va kan chang chuan, "Hei
 pawh sawi loh tur i sawi atin a ni" a ti thin an ti An
 chawng chennaa an vawkdâr pawh an hawntir a, chu
 phei chu an chhungte feh pawhin an hmu ve a, an ei
 nghe nghe a ni Heng ang thu atang hian kan Mizo
 pi leh pute chuan sih-ah hian ramhuai chhung khat
 emaw, khaw khat emaw chu cheng ngein an lo ngai
 thin a ni Ramhuaita hi awm ngai an nih chuan dik
 pawh a dik ta ve ang e

9. THINLANGA: Kan pi leh putena hmingmerh
 meuhva an lo hriat lar em em mai ramhuai pakhat
 chu Thinlanga a ni A kawchhung leh thinte a lan vek
 avanga a hming pawh hi an lo phuah a ni Hetiang
 hian an lo sawi a ni Hmanlain Aizawl thlang deuh
 Kanghinun khuaah khuan lai pakhat Chawngpuihala
 a awm a Vawikhat chu a khuaah chuan chawng tur
 an awm a, nula leh tiangval rual chuan chawng thing
 chu an phur ta dur dur mai a An daibul mai Mual-
 lungthu kawn an tihah chuan an inngnak khawm
 hmar mai a An zinga nula pakhat chuan, 'Hawh u,

maah phur intan thei lo a piang inhawshanah : ti ang
u. tin a rawt ta tlat mai a. A thiante pawh chuan
chutia ani mahin a ngam chuan an lo hnial bik lem
lova, 'Ni tak ang hmang' an ti ta hlawm a.

Thing chu an fawm ta char char hlawm a. An han
ngah a, hawn an han tum chuan a rawttu ber chuan a
duh aia tam a lo fawm a, amahin a intan thei ta hauh
lo mai a. A thiante chuan an thu tiam kha an hrereng
a, pui ta lo chuan an hawshan ta dual mai a. A mang-
ang ta hle mai a. Chutih lai chuan a chhak tlangah
chuan tuemaw hian Phenglawng hi a tum vut vut mai
a. A tihngahna hre lo chuan tu anih pawh hre lem
lo chuan, 'Khalaw Phenglawng tum khan ka phur hi
khawngahin min zuk tan teh lawk' tin a han au ta
ngawt mai a. Mahse, ani chuan, 'Min hlau ang' tin a
lo hnial khauh mai a. Amah chuan a intan thei thlawt
si lova, a tihngahna hre lo chuan, 'Khawngahin min
zuk tan hram teh, ka hlau lovang che' a han ti leh a.

Kawng chhaka mi chuan, 'Anih leh min en hauh
suh ang che. Min ena min hmuh path pawhin tuma
hnenah sawi reng reng suh ang che. Chuti lo chu : tan
a pawl ang. Tuman an chhan thei hauh lovang che'
a ti a. Nula chuan 'Awle' a ti ta a. Tichuan, a rawn
chhuk a, a phur chu a rawn tan ta a. Nula chuan
a hmuh loh an a hnung chhawn tlat a. Nimahsela
hmuh hram a duh baw si avangin a mitsir chuan a
han mthel reh a, a awmdan chu a hmu ta a, a hlau ta
em em mai a.

Amah chu a hmelchhe em em mai a, a thun leh a
kawngahna a lo lang hung mai a, ha-hchhawl
hian a lo hawn tut mai a. Mihring awzawng a lo ni
lova. A han tan zo chu hlau chung chung chuan a
lawng a ni na a, in a han thien chuan mi thung
kothah chuan a phur chu a koth rawk a. 'A-i' a

tī tuar a, a tlu nghal ta tawp mai a Mite chuan mak an tī hle a, an hlau em em bawk a, an inah chuan an zawn lut ta a A lo harh hnu chuan a chhante an han zawt a, engnge a hmuh tihthe an zawt ta a Nimahsela, ani chuan, 'Ka sawi ngam lo' a tī ta tlat mai a Tlangval hotena hlau lo tura an han thlamuan a, ven tlat an tiam chung pawh chuan a sawi ngam ta chuang lo va Nimahsela, hriat an chak ve tlat si avangin an zawt an zawt a, a tawp a tawpah chuan, 'Anih leh âwng zawng zawng hī hnawhphui vek ula, in khat hian min veng bawk ula, ka hrih ang che u' a tī ve ta a

Tichuan âwng zawng zawng chu an hnawhphui vek a, in khatin tlangvalho chuan an veng bawk a Chuti meuhva an ven tak chuan ani pawh chuan a hrih ngam ta a, a thil hmuh dan zawng zawng chu a sawi ta vek a Nimahsela, an kawmchar sut âwng chu an lo hnawh hmaih hlauh mai a, chutah chuan Thnlanga chu arawn lut a, nula chu a man ta a A rak thawt a, sut âwngah chuan a puhthlakpui ta daih mai a An va chhuizui nak chuan an huan Balhla bulah chuan a letlingin a lo sawhbur ngur a, a lo thu reng tawh mai a Heta tang hian ramhuai a nī tih an hre ta a, a hmingah pawh chuan a nihna angin Thnlanga an lo tī ta a nī

A phenglawng ang chu an siam ve ta nghe nghe a. Thnlanga phenglawng an tī ta a, tun thleng pawh hian Mizote thil tumrik chikhatah kan lo nei ta zel a nī Thnlanga hī awm tak tak lo leh phuahchawp mai nī sela chuan Thnlanga phenglawng hī tun thlengin kan nei zel a rinawm lohva, thil awm ngei nūn a rin theih a nī Thnlanga chu ramdanga an hmuh lehthe pawh sawi a awm ta lova, ramhuai mal tlat nī ngei tura nī.

10. SAKHUVANG · Kan pi leh putena ramhual chi hrang hrang an lo hriatdan leh an hmingte nen lama an lo phuahdan chu kan sawi tam ta hle a Sawi hmaih rual loh pakhat a la awm a, chu chu sakhuvang an lo tih mai, sakei chanchin hi a ni Mi thenkhat chuan ramsa chanchin sawi, tur angah kan ingai pawh a ni mai thei e Nimahsela. pi leh pu chenah Mizote hian sakei hi ramsa leh khuavang inkawp ni ngein kan lo hre kumkhua thin a, a hmingah pawh sakhuvang kan lo ti nghe nghe a ni

Tunlai thangtharte hi chuan kan ring kher lo pawh a ni mai thei a, an at leh mawl avanga an lo tih mai maihte pawh kan ruat mai thei bawh Ni-mahsela, kan pi leh pute kha thil chik tak mai an lo ni a, an thil lo chhinchhiah leh hriatdante pawh kha dawt leh phuahchawp ngawta ngaisak chi an ni lovang sakei chi hrim hrim an lo thlar dan chu hetiang hi a ni A te apiang hi a upaah an lo ngai a Hleimualrang hi sakei chi zawng zawngah chuan upa ber niin an lo ngai a Sakeni mihring ranvuh a seh changte hian a chungah a lo chuanga, 'Engahnge mi pawite i han khawh kher kher thin ni?' tun a lo hau va, a lo beng thap thap thin a ni, an lo tih chu maw le'

Tin, Thihthiap hi sakei zawng zawng lai a ni, an lo ti bawh a. Amah chu uichal tiat vel awrh, lu lawk ber bawh, sakeibaknei pian ang deuhva piang a ni a A beng chu thuah sarh a ni an ti Sakei kap leh ai tawh reng rengte chu an thih hian phuba a rawn la ziah thin a Amah lo kal lovin a awh atan rannung engemaw a rawn tir a, an ruang chu an rawn ei thin a Chuvangin chutiang mi an thih chuan naupanghoten an ruang chu an veng thin a Thihthiap vengin inhnua leh kawkar veldh talhiek nen an swin a, thawn-maw an khawngri thar thar thin a ni A neih chahngien a khat tawkin sabrang hianpu an sak a,

an ei hawng hawng thin a ni Naupangho an hman remchan lawk loh chuan ui an vawthlu tawp a, ruang bulah chuan an dah mai thin 'Uun a lo ui dawn nia' an ti a ni

Thihhtiap chu a hramdan atanga a hming hi vuah a ni a 'Thihhtiap thihhtiap' tun a hram thin a ni Sa kah thiang lova an lo ngai thin a ni nghe nghe a, mahsela, lo kap palh chu an awm ve leh zauh bawk thin Chutianga an lo kah pawhin tumah an hrilh ngai lova, an zep tlat thit a ni Chuvangin thihhtiap kap hi sawi tur an vang hle Lunglei bialah chuan mi pahnh, Sirte khua Pu Saithanhranga leh Sertlangpui khua Pu Ngulbuka paten an kap tih upaten an sawi thei Hmar bialah erawh chuan Pu Rianga Baktawng khuain a kap a Ani hi chuan kah thiang lo lamah pawh a ngai lem lova, a thlanlungah pawh awm a duh ang ngein he a thihhtiap kah hi an ziak lang nghe nghe zawk a ni Sa vang tak leh hmuh zen zen mang loh a ni a, mahsela, a awm ngei tih erawh chu a chiang a ni

Kan pi leh pute kha sakei chungchangah kher hi chuan an lo fimkhurin an lo puithu em em a, kah thianglo hialah an lo ngai thin a ni Sa sual leh chim-awm, mihring leh ranvulh tana hnawk leh hlauhawm-te chauh an lo kap thin a Chutiang nikhuaah pawh chuan, 'Ka kah tak e' an lo ti ngai lova, 'Tekin a den tak' emaw, 'A bahthluk tak e' emaw an lo ti zawk thin a ni. Kan pi leh pute anga sakei heti em ema ngai puithu hi khawvel hnamdang an awm kher lo mai thei a ni.

Sakei hi sa mak tak zawng a lo ni reng mai. A nizam tawngkhawng a, eitur dang a hmuh hlawi loh tih chauh lo chuan mihring hi a seh ngai lo min an sawi Chutiang ni tur chuan a hham dam leh, piang-sual leh chak vak lo deuh a ni chawh thin a ni, an ti Tin, misual chungchuan deuh leh thil thiango khawihthe hi a seh duh bik an ti leh bawh Ramhnuaiah emaw kal laia kawr lukhum chin hi sakein a hua a, a seh duh a, tin, vaibela sakei ek zuk tel hi sakei chona a ni a, a seh duh bawh a ni, an ti Thubua sawi nikhuate pawhin an thusaw dikzia nemngheh nan sakei ngho an lo inseh tir thin a, chutiang ngata min thu an sawi tawh chuan dik ngeiah pawm a lo ni thin Chutianga sakei ngho seh chung a dawt an sawi ngat chuan sakein a seh ngei, ngei a ni, an lo ti bawh.

Dan naranin sakei hian mihring hi min zah em em a, a theih chhung chu min pumpelh a tum hram hram thin a ni, an ti A duh phawt chuan di zarkhat lek pawhin a inphen thei e, an lo tih chu' sarual leh sahiam chhuinaah pawh hian sakein mi a lo thlak-khalh a, haahchhawh a lo dah tawh hi chuan, 'Min rawn zui tawh suh u' a tihna a ni a, kirsan mai tur a ni, an ti Chutiang hnua chhui zui ve zel chuan zah a lo ngai duh tawh bik lova, mi a lo chang a, min seh mai a ni, an ti. Hetiang hi upa leh pasaltha chuan an tawng fo thin a, thil tak tak a ni Tin, thlamah emaw bukah emaw kan awm a, sakein min vel chuan, haahchhawh emaw vajimin vui emaw hi pawnbangah va tar ha, 'Kan ngamlo a che, kan tlawm e' tihnaah a lo ngai a, a kal kiang mai thin, an ti bawh. Chuvangin sakei chu sa puithu tak zawng a lo ni reng mai.

Ramhnuai a note pawh va hmuin man ta ila, min lo hmu ve reng mah sela kan tihnat hauh loh chuan mi a tina duh lova, kan tih ang ang khan min tive mai thin a ni, an ti Mihring a seh reng reng pawh hian an thlan hi a rawn hai leh ziah thin An thiante ruang pawh hi an rawn ei leh ziah bawh Hetiang phe i hi chu a dik ngei tih sawi thei an la tam mai Sava hramdan chitnreng pawh hi a thiam vek a, a duh hun hunah a hram mai thin a ni Thilmak ve tak pakhat chu, thildang hram zawng zawng chu a thiam vek a Fangmatharko hramdan erawh chu a ti theilo an lo tih chu maw le! "Reng Reng" tih ruala "Fawh fawh" tih a ngaih tlat avangin a ti thei lo a ni, an lo tih chu! Tak ni tak ang maw?

Sa dangdai leh puithu tak mai zawng a lo ni reng mai A chang chuan mihring mangang leh puith ngaitte hi a tanpuin a hruai bawh thin a Saltang tlan-chhuak ngat phe i hi chu a hruai ngei ngei a ni, an lo ti thin Hei tak hi a makna leh kan pi leh pute pawh-in? Khuavang ang hiala an lo ngaihna chhan chu a ni Hman lai tak takah phe i chuan Keimi kan tih, duh hun huna sakeia chang a, duh huna mihringa rawn chang leh mai theite pawh awmin an sawi thin a ni Hetiang lo awm tanna chu tlangval pakhat, Hlawndawhthangan an vauva Keimi tui a in atanga rawn intan a ni, an ti Hlawndawhthanga thlahte chu tun thleng pawh hian sakei zingah hian an la awm nghe nghe a, an kezungtang hi mihring ang bawkin panga a ni, an ti Mi thenkhat hriatdan chuan Hlawndawh-thanga ni lovin Tuaidinga ni zawkin an sawi —

Mihring chung a chetdan mak tak sawi tur a tam mai Hman laia Chhim leh Hmar Indo laia Khawng-hung khua Tiaurala sala an hruai tak, nu pakhat rawn

tlanchhuak pawh Tiau lui hianah sakein a hruaikai a, chu nu thlahte chu tun thleng pawhin an la awm nghe nghe a ni. Hmanlai leh zualah pawh sai tlan-chhuak pakhat tuihanah bawh sakein a hruaikai tih upaten an sawi, hetiang a lo nih avang hian Mizo zinga hnam pakhat phei chuan sakhuah an lo bia a, in-thawina chikhat 'Nutar' an nei nghe nghe a ni Sakei aih nikhuate pawh hian anniho chu an thlanthu hial thinin an sawi bawh

Chutianga nutar hman a lo tul tawh hnu pawha an la hman loh cheu chuan sakei chu an in kiang velah leh inchhungah hial te pawh a rawn inlar thin a Chutapawha an la hman loh fo chuan an chhung zinga pakhat chu a seh mai thin a ni, an ti Hman deuh laia Hruipui (Vailungphum) khuaa chhungkhat pawhin hetiang an hman loh avang hian an chhungkaw zinga pitu vaiho lo chu an pahnhin sakein a seh nghe nghe a ni Chumi hma deuh chuan an in-chungahte pawh rawn lawn thinin an sawi bawh Chumi tuma an ruang an zuk hlawnnaa Chawngbawla tupa Hrangkuala huaizia chu an hrihfak a ni Chutianga a lo nih avang chuan kan pi leh putena sakhuahvang tia an lo'vuah pawh hi thul awm ve tak a ni

Hmanlar hun changah pawh a ni lova, tuslai thleng pawh hian mak tak taka sakei chetna sawi tur a la awm fo mai Ram buai hma deuh lawka Buarpuu deirawi pakhat an in atanga a hruaibote pawh kha thilmak a ting a. Rambuai laia ramhuuai lama kalho, hiam mangang tak a ven leh a hruaidan an sawite pawh kha thilmak tak mai a ni Tin, Bangladesh-a an sawi laia ni pakhatin sakei a kab pawh ramhuai a lo ni reng mai a ramhuai Court-ah thubuai a nei zak

zak mai tihte pawh dawt a ni hauh lo tih a bre
 chaingtuten an sawi a ni Chuvangin kan pi leh pu-
 tena sakei hi sakhuavang tia an lo vuah hi thildik leh
 vuah awmreng a lo ni a He lehkhabu-ah pawh hian
 ramhuai zingah kan telh ve ta mai a nih hi A sakeia
 tak tak kha ramhuai an ni ve pheizawng a ni hauh
 lo anga, mahse, ramhuaihote hian sakei hmang hian
 thil tam tak mihringte chungah hian an ti thin ngei
 zawng niawm tak a ni

Bung 3

MIZORAMA RAMHUI CHETDAN LANGSAR ZUALTE.

Tunlai mi tam takte hi chuan hetiang kan Mizo
 pi leh putena ramhuai an lo hmu thin leh an chetza
 leh pianhmang ang zela an hmingte lam an lo vuah
 thei hi mak kan tiin kan awih kher lo pawh a ni thei
 e, Thildang engemaw mai mai, an hmuhsual leh an
 fiah that ngamloh avanga ramhuai anga an sawi tak
 ni mainn kan rin sak pawh a ni thei baw Nimahsela,
 chhut ngun deuh atan a tha viau a ni Mi thenkhat
 lehte chuan ramhuait chu awm ngei chuan kan rinpu
 baw awm e, nimahsela, mihringte mithmuhahrawn
 inlar lehrawn khawsa lova, a ruk a ral chauhvami-
 hring thinlung leh ngaihtuahnaa suai hna thawk
 chauh turah kan ngai a ni mai thei baw, Mahse, he
 ngaihndan pawh hi a dik ber lovang tih a rinawm a ni.
 Hmanlai chang ni lovin tunlai thlang pawh hian ram-
 huait hi hmu an la awm fo thin a, kan ram ngeiah

hian mak tak taka an chetdan sawi tur a la awm ta fo mai a. Chuvangin kan pi leh pute lo hmuh leh hriatdan hi a dik zawk a nih a rinawm A zawng aza phe chuaw sawisen a ni lovang a, nimahsela ramhuai-te hi an awm ngei a, an duh hun hunah mihringte hmuh theihin an rawn inlarin kan zingah thil an rawn ti thin a ni tihlan nan chauh Mizorama an chetdan lar zual zuete lo chhui la, a fiah mai ang Kan rin leh rin loh erawh chu thuhraan ni sela

(1) VAISAM RAMHUAI: A hmasaberin a lar ber leh mak bera ngaih Lunglei thlang lawk Vaisam khuaa ramhuai inlarden leh chetdan i han sawi teh ang Vaisam khua chu khaw te tak te, Lunglei atanga chawhma kal leka awm a ni a, khaw mawngping leh chengker tak a ni nghe nghe a He khuaah hian ramhuai tumhnih lai a rawn che a, fiah tuma theihtawpa an beih pawhin tuman an fiah tak tak thei chuang lo a ni A hmasa zawk chu kum 1938-39 vel lai khan a ni a Chumi tuma a rawn chetdan deuh ber chu in pakhat hi a rawn sawinghing vak vak a, a changin pawnlam atangin bawhlhlawhte hi a rawn vawm lut chiam bawk thin a Sakei bang nawk ang maite hian bang hi a rawn nawk puar zut zut bawk thin a A chang leh zufang bel chhungah te hian a faifuk ret ret thin a ni.

Tuman an fiah thei tak tak si lova, a khua mai chuaw an buai ta luai luai mai a A tawp a tawpaw chuaw Lunglei S.D.O hnenah an report ta ngawt mai a. Lunglei S.D.O. chuaw Rahsi pakhat Pu Rozika chu a tir ta ngawt mai a. Pu Rozika

chuan a thlen veleh fiah tumin a han bei vel ta a,
mahse an pawh chuan a fiah thei ta chuang bik
awzawng lo mai a, a tawpah pheh chuan a tlanchhe
vel ta mai mai a Hetiang hian hlain an phuah zui
ta nghe nghe a ni

‘Vaisamah ramhuai a pawngtal e,
A sang tual tual Leitlang Sappui an rawn e,
C.I Rozika a tlan duai duai’ tui

Chutiang a lo nih leh zel takah chuan Lunglei
S D O Pu Zarmena leh Serkawn Missionary Sâp Pu
Kâra (H W Carter) te chuan anmahni ngeina zuk
fiah tuln an hre ta a, an zuk thawk thla ve ta a ni
Pu Zârmena chuan C I Pachhinga a hruai a, Pu Kâra
zirtirtu Pu Selthuama a hruai baw a, Torch Light te
nen an zuk chhuk ve ta rup mai a ni Nimahsela anni
meuh pawh chuan an lo rin ang ngawt chuan an zuk
fiah thei ta mai bik lova, rei ngial an veh ve ta mai a
Ngun takin an thlithlai vel a, a tawpah chuan mi pa-
khat rinhlai an nei ta a Chumi chu an man ta a, an
vau nek a A khaw pum pawh chu ‘Ramhuai sawi leh
an awm chuan Lung Inah kan khung ang che u’ tui
an vau baw a Hmuchhuak dik inti takin an hawng
chho ta a ni

An thil hmuhchhuah leh ngaihdan chu anmahni
leh mi thenkhat chuan dik ngeiah an pawm a, a chhan
chu heih a ni Hetih hunlai hian Vaisam tlâng hi Lal
unau pahnihin an inchuh tith deuh va A tlâng chang-
lotu zawk chuan tute emaw hmangin ramhuai lema
changin a khua chu tithiau va, chumi hnuah lush tum
ni ang deuhvah an ngai a ni Chutiang ngaihdan

nei sa deuh ran chuan S D.O te pawh-chu an kal min briat a ni bawka. Chutiang ngei chuan an zuk nemnghet leh ta a, dik awm taka ngaihloh rual a ni lo. An hawn atang chuan ramhuai chanchin pawh chu report a awm ta bawka hek lova, dik ta leh reh hlen te anga ngaihloh rual pawh a ni lo reng mai. Nimahsela, anmahni khuate sawidan chuan a la reh chuang hauh lova, Lungina tan an hlahv avangin tuman an report ngam lo min an sawi a ni. A la reh tak si loh avang leh an report ngam tak bawka si loh avang chuan kum 1940-ah a khua chu an rauhsan a, an pendarh ta vek mai a ni.

Tichuan, Vaisam khua chu ramhuai avang chuan kumnga tawp luah lovin a tiau ta a. Nimahsela, a ramte a lo tui hman leh ta deuh va, ramhuai pawh a reh tawh ringin 1945 January thlaah chuan an kai leh ta a, awm pangngaun engmah thawm awm lovin kum 11 lai an awm ta pghe nghe a. Tuman ramhuai a rawn awm leh pawh an ring tawh lova, reh hlen turah an ngai vek tawh a. Nimahsela, 1956 May thla ni 8 atang chuan a rawn lang tan leh ta tlat mai a ni. Hethi hunah hi chuan mihring rilru pawh a lo sang tawh deuh va. Kristiannan mite rilru leh thinlung a hneh tawh bawka a, tuman an hlahv ta lem lova, sawrkar hnenah pawh report duh lovin anmahni khua ngein fiah an tum ta zawka a ni.

Honni tuma a rawn lan tandan hi a mak ang reng khawp mai. Kum 1956 April thla laihawi velah hian nungangho sava vehin an daikiang lawka thinglerah pih pakhet a letlunga ding va mai hi an hmu a, mak an fiah an an hlahv laih mai a. Nakin deuhvah chuan

an zinga a lian ber chuan sairawkherhin a han perh
 hram a Chu pitarte chu a lokawlh phian mai a, a
 rawn chhuk a, naupangho chu a rawn um ta a Anni-
 ho chuan an hlau va, an tlan ðhhe haw ta hlawn a
 An hawn hnu chuan a perhtu chu a dam lo ta a, a hnu
 rei vak lovah chuan a thi ta nghe nghe a Chumi
 hnu deuh lawkah chuan an dai kianga bungzar pakhat
 chu thli thaw hauh si lo hian a phe lâwp lâwp ta mai
 a Mite chuan mak an tün an hlau leh ta viau mai a
 'Hei ramhuai a rawn che leh dawn a ni mai awm
 mang e' an ti tan leh ta a ni

Chumi hnu May niri^{*}at zan chuan Pu Hailingatcho
 chu zanriah eikhamin an luhkapui^hah pa pathum an
 thukhawm a Luhkapui bul mai^hah chuan hmarchate
 an phun a Chutia an thutkhawm laih lai chuan hmar-
 chabulah chuan mit lian fe fe pahnh hi a rawn de ta
 rual mai a Sa engemaw tak a nih ringin silai hawh
 tur an zawng ta a Pu Thangkima ramchhuak haw
 hlimhlawt chu an va pan a, ani pawh chuan hah pawh
 sawi hlei thei lovin amah ngeina kah tumin a thawk
 thla ve ta a Nimahsela, an zuk thlen hnu chuan an
 han zawng vel chiam thin a, engmah an hmu ta hauh
 lo mai a Sa hnuhma awm pawh chu an hmu ta reng
 reng lo mai a Tichuan, beidawngin an tindarh ta
 ngawt a

An hawn hnu mut reh velah chuan Pu Hailinga
 in leh an pal vel chu lirngching ang deuh hian a rawn
 nghing ta der der a Anni chhung chuan an hlau
 deuh va, mut pawh mu ngam lo chuan an tlaivar ta
 ngawt mai a A tuk feh kawngah chuan Pu Hailinga

fanu Darchuhi chuan chumi zana thi awmdan chu
 Pu Thangkima a hrilh a, Pu Thangkima chuan a
 awihlo hle mai a, dawt sawiah a puh a, velhte pawh a
 tum fiam nghe nghe a. Nimahsela, Darchuhi chu a
 tang nasa ve mai a

A dikna chu chumi zan la la chuan a rawn lang
 ta a ni Thimhlimah ramhuai chu a rawn che tan
 leh ta mai a Thanmawian Pu Thangkima chu a va
 hrilh ve ta a Hetih hun hi chuan Village Council
 neih a ni tawh a, an V.C P pawh Pu Thangkima chu
 a ni nghe nghe a. Chuti a nih avang chuan an va hrilh
 a ni. Ani pawh chuan mak a lo ti hle mai a Kawl-
 phekhawnvar nen inring deuh takin an thawk ve ta a
 ni. An zuk thlen chuan mi tamfe an lo awmkhawm
 hman tawh a, tichuan Pu Thangkimaho chuan an
 veng ta a ni.

Chumi tuma a rawn chetdan chu hetiang hi a ni
 A hmasaberin in hnua i luangrel vel a han tiri tuar
 mai a, chumi zawh chuan in chua rawn sawinghing
 ta a ni. Hlau hauh lovin fiah ngei tumin an chang
 far hlawn a Chutia a han chet veleh chuan kawl-
 phekhawnvar chuan an han en vat thin a, mahse,
 engmah an hmu chuang lo, pawnlamah in kiltina an
 chang chung pawh chuan a chet a thulh chuang hauh
 lova, mak an tin a ngahna an hrelo hle hlawn mai
 a. Ramhuai chet loh lai takin kiltin atangin an han
 sawi vel ve thin a, mahse an tangruai thei ve hauh lo
 mai a. Mibring sawi chu a ding zak mai a Chuvang
 chuan mibring tih nian an ringlo tan ta deuh tak tak
 a ni.

Zanlai vel atang chuan bangkil fit riat vela sâng chu a rawn kík rí leh ta dawt dawt mai a Vawithum Chiang tak takín a han kík phawt a, chumí zawhah chuan a zat chhrar theih loh hian rang deuh main a tlin a tlin ta thin a A kík zawh chiah chuan fit thum vela thui hí a han rín kâwk a, a rín let leh kaw k a Chumí hnu chuan in chu a sawí nghing leh ta a Hetianga a tihlai ngeite pawh hian an khâwnvar chuan an han en thin a, mahse, engmah an hmu thei chuang lo a ní A kíkna zawn takahte chuan bengín ah han ngaihla a, an han bih thui pawhin engmah che leh phe reng reng an hmu thei chuang baw k sí lo

Chutianga bang a kík leh rín chu ring taw k tak a ní a, hla deuh fe atang pawha hriat phak a ní a Mahse, hnuhma engmah a nei chuang hauh baw k sí lova A rín anga mihringina an han rín ve chuan hnuhma a lang ruak zel a, a mak viau reng a ní He-tih hunah hí chuan a khuain an buaipui tih theih a ní tawh a ní A zan thumnaah pawh chuan thimhlímah baw k a rawn che tan leh a A tir berah tiuangrel a rawn rí thawt thawt a, bang kil chu a rawn tiri nap nap a, in chu a rawn sawí leh ta der der mai a, Hemi zan pheí hí chuan zandanga a tih aín a tiri ring zaw k a A khaw pa pawh an kím a ní thaw tawh a Mahse, a ngaihna reng an hre thei chuang lova

Páwnah an chhuak a, an inrawn tlang ta ngawt mai a 'Engtin nge kan tih tak ang le? Hmanah pawh ramhuai a rawn che tawh a, ní tam takín kan awihlo kha a ní a Hei tunah thilmak tak baw k a khaw hming chhiat theihna hial tur a lo thleng leh ta sí a, ngaihtuah ngun deuh zawng angai ta a nih hí' an ti laih

laih hlawn a. Pu Hsingate in chhung chu siallu chih a nī a, a kum hmase lawka sak a nī a. A dithlisarfem pawh a la nai suau suau va Chutia pawna an dinkhawn a, an ti ti laih laih lai tak mai chuan dithlisarfem chu thli na ang reng tak mai hian a rawn chhem che ta suau mai a, mahsela hmundang chu a chhem mang si lova A mihringate pawh chu a chhem bawk mang si lova, mak an ti hle mai a An han inzawh vel a, 'Nang a chhem che em?' an han intih pawh chuan tuman 'Mi chhem' ti an awm ta hauh lo mai a An makti chu an hawi ta helhawl hlawn mai a, 'Thliabte pawh a chang thei a nī awm mang e' an tihphah ta a nī

Inchhungah an lut leh a, rei loteah chuan bang bawk chu a rawn rin leh a, a kik bawk a, in chu a rawn sawi leh ta mai a Chutianga vawinga vawiruk lai a rawn tih hnu chuan mutreh a lo nī ta a Thlipui tak tak a rawn tleh leh ta nghal a, an tindarh a, a noitute pawh chu an riakrau ve ta nghal a Tlangval sawm emaw vel chauh chuan in chu an nghak ta a Thli tleh chhung zawng pawh chuan an thawmmawl chu tuboh hian deuh taka chhut dawt dawt ang mai hian a ri reng mai a Chhuat keu meuhva kawlphekhawnvara an han chhun ngial pawhin engmah an hmu thei chuang lo a nī

A zan linaah pawh thimhlamah bawk a rawn che leh a, a chotdan pawh a mak lehzuai ta a nī Chumi zan chuan duty pawh ngun lehzualin chhunglam leh pawnlamah an indah vek a A chhung lama hotu deuh deuhthe chu Pu Thangkima te, Pu Vanlala te, Pu Aithawnga te leh Pu Lalbanga te an nī a A tir berah chuan bangchhak kil hi a rawn ri nap nap a,

an ngaichang thap mai a Nakin deuhvah chuan an khumâi lam dep tap thut baka an dap chhuat chik tha depdawp chu a laitaka thlerkhat chauh hi hnuai-lam atangin a rawn thliakchho bawih mai a In neitunu pheï chu a zuang âwk nghe nghe a Chutih lai chuan an pa chu kawr hlipin khumah a muzal a A chungzawn ditip chu a rawn ri nap nap a, thawkleh-khatah chuan chengkawl hipnaro te Theikhawkham muro te, favai leh, lapaw inchawhpawh nuai mai hi an pa chungah chuan a rawn tlahnawk mai a, mak an tün an hlau hle hlawm a, 'Engtiziange ni ta ngai?' tün a rawn tlakna zawn ditipte chu an han belchiang ngiäl thin a Mahse, chutiang han tanna tur awm fardawn leh engmah pawh chu a awm bawk si lova, mak an ti hle hlawm mai a ni

A hnu lawkah chuan pathlang ditip chu a rawn ri leh nap nap a, chutiang bawlhhlawh bawk chu a rawn tla leh ta hnawk mai a Hetah pheï hi chuan lungte te pawh a tel a Chutianga ditip a rawn rik nap nap lai ngei pawh chuan an khawnvarin an han chhun thin a, engmah han tiri tur rannug chukchu emaw, sazu emaw pawh a awm hauh si lova, mak an ti em em ringawt mai a ni Chutia a ngaihna tak pawh hre mang lova an awm thap lai chuan tlangval pakhat Tanova chuan kawmchar kil thlang lam deuhva ding chungin a cho ta ngawt mai a 'Hmar kungpui atangin, chhimitawp atangte pawhin, a awm zat zât chu rawn thawk law law teh u Mipa nge in nih a, hmeichhia? In nih ang ang chuan rawn inlan teh u khai' a ti ta chiam mai a Mahse, chuti ngawt chuan a cho chhuak thei bik lem hlei lova A ngiahna hre'o chuan an ngawi thap mai a

Chutia anngawihthap lai chuan kawng dang deuh hlek in a rawn che leh ta a. An charbang hrulah chuan dap in dawhkan an siam a, chutah chuan naupangho lehkhaturbur ruak leh powder bur ruakte a awm nual a. An fanu naupang deuh bekah tak mai chuan lehkhaturbur ruak chuan a rawn vawm ta lawh mai a chhuata a tla ri pawh chu a ri bawl tham a, na awm tak chu a ni naa, a rawn vawm naupang Ng-hakthangi chuan 'A na miah lo' a ti tlat bawk si a, a mak an ti hle mai a ni Chumi hnu chiah chuan an fapa pakhat Liankiauvan puanpheikhawh chhia ditipa a zeh chuan Lianhela chu a rawn vawm leh ta fawh mai a Mahse an pawh chuan, 'A na miah lo' a tive leh ta a Mihring vawm chu nise, na ngei tur zawng a ni a, mahse nalo an ti tlat bawk si a, mak an ti em em hlawm a ni Chutianga mi vawm a rawn chin tak avang chuan mi vawm nana hman theih awm deuh, lakhuih leh beldolungte chu an nu chuan thingremah a khungbo ta vek nghe nghe a ni

Chumi zan chuan paho mai pawh ni tawh lovin nula leh tiangval, nuhote lamin an tim hmuur tawh a Chuti chhung pawhin a chet a bang chuang lova, a tuamah leh chuan an fiah thei bawh si lova, an mang chu a ang ru viau tawh mai a An khaw chhehvel pawhin an hre vek tawh a. Thangte khaw mihlimho pheh chu fiah tum in an rawn thawh ve nghe nghe a. Anniho chuan tawngtaina lamin an bei a, mahse chuti pawhin engmah a sawt chuang bawh hek lo An khaw mite chuan misual thiltih ni deuhva an la rin avang leh ramhuai pawh chu lo ni tehreng mah sela a hlauh awm zawng leh pawikhawh chi lama a la chet loh avangin tawngtai lam chu an lo tum lem lo a ni



Chumi zan chuan a rawn che na leh deuh salh ta mai a, bangto rawn che na leh deuh salh ta mai a, kikin in pawh chu a rawn sawi lo, bangto rawn che na leh deuh salh ta mai a, zan dawkhat velah chuan a reh leh ta a in

A zan ngana chu Inrinni zan tawngtai inkhawm zan an a, pu Thangkima hun a ni a Inkhawm an tlem hle mai a, hun-changtu nen 5 vel chauh an inkhawm a An inkhawm bang chu Pu Hailinga inah chuan an zu kal ve a, in khat hmur mai chuan an lo awm hmuk mai a, chutia inkhawm pawh ngahsak lek lova ram-huai an lo buaipui chu Pu Thangkima chuan a hau hlawm nghe nghe a Mahse, engmah phe i zawng a sawt lem lova, a khua chu in an buaipui a ni ber mai si a Chumi zan chuan pawnlan ah duty an indah lova, a chetdan pawh a rawn dang leh ta deuh va A hma zana Tanovan a cho vang kha emaw ni dawn tehreng ni, a rawn che na leh deuh salh ta mai a

Kawmchar kawngka chu an hawng a, chutah chuan Vanlala a thu a Thingfak tha lenglawng, hlu deuh leh ber deuh hamluam hian pawnlam atang chuan Vanlala thutna kawngka biang chu a rawn vawm ta dawt mai a, a ni chhawr mai a Vanlala kha vawmfuh ta sela na a ti ang nge, ti lovang tih chu hriat a ni lova, mahse mihring vawm chu ni sela natham tak tur a ni An han teh deuh hak a, 'E' zanin chu fimkhur a ngai deuh dawn' an ti a, kawmchar kawng pawh chu an khar nghal ta a Khawnvar chu an chhi eng reng a, pawnlamah pawh duty chu an indah lehngal ta bawka An ngahak leh ta thap mai a

Nakin deuhvah chuan kawmchar lam atangin lung a rawn vawmlut ta a Tumah phe i chu a vawmfuh hranpa lova, mahse kawmchar lam atanga rawn

vawmluh ngei a nī tih chu an hre vek sī a A rawn vawm luhna āwm bang āwng leh pawp emaw pawh chu a āwm hauh bawk sī lova, mak an tī hle mai a Chhuatah chuan a rawn tla leh tawp mai thin a Chumi zana a lung rawn vawmluh chu artui tiat vel leh a aia te deuh te a nī a, a vai chuan Faikhiat khat dawnlai a tling a nī A lo rei ta deuh bawk a, engmah hlauh-awm em em a chetna a nei bawk loh avangin an khuate chuan ngarah an nei ta deuh a, a in neitute chhung pawh an riak ngam leh tawh a nī

Khaw dang amite pawhin chian ve an lo chak ta hle bawk a, Diltlang leh Mualbu tlangval thenkhatte pawhin, 'A reh leh hma ngeia rawn fiah ve kan tum a nī' an rawn tī a, puanthuah nen meuh an rawn thawk ve ta a Tichuan, tualchhung tlangvalho nen chuan an chang tlang ta hlawm a Chumi zan pawh chuan a rawn thawk leh a In a rawn sawi a, lung pawh a rawn vawmlut leh bawk a Chumi zana a rawn vawm luh lian ber pheī chu kuttum tiat vel lai hī a nī Nīmahsela, a rawn vawmluhna āwm bang āwng reng reng a awm lova, khawī atanga rawn vawmlut nge tih chu an hre thei chuang reng reng lo mai a Mak tī takin an awm tlang thap ngawt mai a nī

A tawpah chuan Diltlang khua Niduna beidawng chuan, 'A tirah kha chuan Takamho thiam thil eng-emawte a nih kan lo ring deuh va Fanu nula pahnih in nei a, chung avang chuan Takamho hjan engtin emaw tak tih che u an tumah kan lo ngai deuh a nī a Mahse, hei kan rawn kal a, thil awmdan kan rawn hmuchiang ta a, chutiang lam awzawng a lo nih tak loh hī. Ramhuai hnathawh ngei zawng a lo nih dawn hī' a ti ve ta bial a nī A khua ami zawng zawngte

pawhin misual thiltih mai mai ni lovin ramhuai hna-thawh ngei niin an ring vek bawk a ni Amaherawh-chu, ramhuai a nih pawhin ramhuai a tak, Pathian thuawih tan pawha engmah rilru buaina tur leh eng-helh tur awm lem lo, ringlo mite tân pawha han hlauh emaw han ngaihsan tur emaw pawh awm chuang lem lo niin an ngai deuh ber ta a ni

Hetianga chhum lo chat lova a rawn chet chhung hi thla khat vel laia rei a ni a A tawp lamah chuan a che khat tial tial a, a thawm pawh a nep hret zel a A khaw mihring leh a in neitute pawhin ngaihsan an neih ve tawh a, engahmah an ngai hranpa ta lem lova, a reh hlen ve ta mai a ni A reh fel takmeuh chu September ni 15 a ni a, a awhrei viau a ni Thilmak ang reng tak pakhat chu hetianga ramhuai a chet chhung zawng hi chuan a in neitupa Pu Hailingate lo lu leh an thlâm inkarah reng reng dai a awm ngai lova, a hul phiang reng mai a ni Hmun danga a far tluk tluk tuk pawhin helaiah hi chuan a hul phiang mai a ni

Chutia a lo reh takah chuan an chhungkua chuan Pathian chawimawite pawh an han tum deuh va, mahse an harsa ve a, an putlin ta lem lova Tin, an chhungkua pawhin engmah hemi avanga inlamrelna tur an nei zu ta lem bawk hek lo He Vaisam ramhuai hi a mak viau va, a hmun ngeia hmu ve leh hie velo tan pheh chuan awih a harsa mai thei a Nimah-sela, a dik ngei a, heng kan han ziaak zawng zawngte pawh hi a hretu leh an fiah tumna pawha a sulsutu leh hruaitute ngei sawi a ni a, 'A mak e' tih mai loh chu awih loh chi rual a ni lo

(2) ZIALUNG HUAL: Hmanlaia Zialung khua an tih chu tuna Biate khua khi a ni a He laiah hian Biate hnam an lo khawsak tawh thin avanga anmahni vanga Biate tih a nih a rinawm. Hmanlai atang tawhin Zialung tlang velah hian ramhuai an cheng thin nun an sawi a, chung ramhuaiho chu Zialung Hual an ti a ni. Tunlai thleng pawh hian a chhehvel khawilai laiah emawte thawm an la nei zui ta zel a. Sialhawk vel te, khawhai khâm leh Raifan luidung velahte hian an la rawn inlâr fo va Chuvangin henglai vela ramhuaiho reng rengte hi Zialung hual tun kan puh vek mai dawn a ni.

Zialung hualte hi an rawn lanna leh hnuhma an neihna nikhua a rei hle tawh mai a, chhui phakloh huala khuare a ni tawh a ni Thawnthu ang deuhvin Zialungkhawchhanhrangkhupa chanchin ngaihnam tak pawh a awm a Biate hmailam kawtchhuaha kâwn pakhat Vawrh kâwn an tih tak pawh hi Zialung huai hovina Hrangkhupa an lakbo va, nausen duhawm taka an siam a, an thuhrukna leh Hawnglariaho ramchhuak hawngina an hmuhchhuah a, an vawrhna kawm a nih avanga vawrh kawm tih tak nun an sawi A lo puitlin ve hnu chuan Hawnglariate nen chuan an indo ta a ni Hawnglariahoten an um a, raifan lui lianin a lo dang ta tlat mai a Hrangkhupa mangang chu thinglerah a lawn ta ngawt mai a Hawnglara hote chuan a hnuai lungbialah chuan Hrangkhupa lu chu an lâh tlut tlut ta mai a Chuta Hrangkhupa mangang a siamtute a han auh meuh chuan thli na deuh ma an rawn tiehtir a, lui ral tawh tawna rua chu an rawn len kuitir a, chumi nvaw tawnah chuan Hrangkhupa chu ral lehlamah a kai ta theuh va, a him ta a ni, an ti bawh Hrangkhupa chanchin hi thu ngaih-

nawm tak mai a ni Thawnthu satlah mai ni lovin
 thu tak tak pawh nin a lang a, an sulhnu tun thlenga
 hmuh theiha la awmte hian thutak a ni tih a tilang a
 ni Heng thilte hi zawng hmanlai thil khawrei an ni
 tawh a, ngaih khata ngaih pawh a sual lo vang Ni-
 mahsela hmanlai thil ngawtah Zialung huaiho chan-
 chin hi a tawp tlal lo a ni

Tun tlai khawhnu deuhvah hian Khawhai kham
 velah ramhuai khaw khat duh chu awmin an hre
 baw a ni Hengho pawh hi Zialung huaiho baw an
 nih a rinawm Hman deuh lai khan kum khat chu
 Khawhai khua chuan an khaw tlaklam kham hnu u lo
 atan an nei a An lo hâl tur kal chuan tlangvalho
 phawkin fiamthu titak deuh hian, 'Khawinge, kumin
 chu khâm ramhuaiho nen lam i han hâldirh vek mai
 teh ang aw' an ti hlawn a ni awm e Upaho phe
 chuan an kamkhat nghe nghe an ti Lo chu an han
 hâl ta mai ale, kham vel chu a rawn kang chho ta vut
 vut mai a, an khua chu i kang ta hlah mai a A
 khuain an kang fai ta puk mai a An bungraw chuh
 tuallara an dah that te pawh a kang fai vek a, lazar ban
 te nen lam a kangfai leuh mai a ni, upaho chuan an
 lo hal turina an thu sawi kha an chhuanlam hle a.
 An kandan han ngaihtuahin dik pawh a dik mai thei
 a ni

Tun hnaï leh deuh, kan ram pawh Kristian ram
 tia kin invuah hial tawh hnuah hian Raifan luidung
 velah an lo lang leh baw a ni Hengho pawh hi
 Zialung huaiho baw kha an nih a rinawm Biate
 khuah naupang khawmpui a awm a, chutah chuan
 Riangtlei khua Sunday School naupangho pawh an

hofute nen an kal ve a Raifan luah chuan hlim tak-
 in an cheng a, an inbual vel hlawm a Chutih lai
 chuan an zinga mipa naupang pakhat chu tuah a tla
 a, lui chuan thlanglamah a len thla ta a. Pütlingho
 chuan an umzu a, mahse a thlang lawkah chuan
 Kurung thukzet mai a awm a, chutah chuan a lenlut
 ta daih mai a An zawn an zawn hnu pawh chuan
 an hmu zo ta lova. A vel khuate inpunin an zawng vel
 chiam a, mahse an hmu zo ta chuang lova A thi
 ngerin an ring theuh va, theihtawpa an zawn hnu
 pawhin an hmu ta si lova, an beidawng ta a

Nimahsela, a hnu deuh fe-ah chuan amahin tul' ik
 pui pui sutlangin daibulah a rawn chhuak ve ta mai
 a Mak an tih an hrilfak hlawm a ni. Ama sawidan
 chuan hruaitu leh vengtu nei zelin a insawi a A kal-
 na pawh kawngtluang nuamtak zel nün a hria a ni
 Kurunga a tlakna leh tua a tlakna chauh pawh chu
 thihna ngei tur a ni a. A thangreidan ngaihthuah
 pawhin riltama thihna ngei tur a ni Nimahsela a thi
 si lova, him pialin a rawn hawng leh chu a ni si a, a
 mak hle a ni, Hei pawh hi Zialung huaiho hnathawh
 ni ngein a rinawm a ni

Tun hnu tak tak, kan ram buai hnu tawhah hian
 Sielhawh pa pakhatin raifan luah ramhuai hokhat
 Dosata ho a hmu ve leh a Ani pawh an hruai buai
 nasa hle nün an sawi In a thlen hnua a chhungte leh
 a thiante-hovina Lal Isua leh ramhuai, a duh zawk
 zawk thlang tura an tih pawhin thlan ngaihna a hre
 lawk lova. Isua thlan a tum lai takin Dosata chuan a
 lo melh vak thin a, a thlang ngam thin lova, mahse a
 tawp a tawp chuan Lal Isua chu a thlang ta nge nge

a, chuta tang chuan Dosata ho chuan an kiansan ta a n1 He thil pawh h1 a mak viau tak a, mahse thudik nun an sawi tlat bawk si a n1

(3) KANGHMUN RAMHUA1 A hnahnung berah chuan Thenzâwl bul Kânghmun khuaa ramhua1 chetdan lo sawi leh ıla, hei pawh h1 a mak leh hle a n1 He thil pawh h1 kan ram buai hnu thil bawk a n1 Rambua1 avangin Kânghmun khua chu Thenzâawlah khawm an n1 a Thenzâwla an awm lai chuan chhungkhat chuan Thenzâwl hmar lama sih awmna lai lovah an nei a Chu sih chu ramhua1 awmna niin an hre thin a Hman deuh hun rei deuh tawhah phe1 kha chuan he lai nei apiang hian ramhua1 awmin an hria a, chuvangin an nei ngam ta mang lova A ram pawh a leng u deuh bik a Hruarkhawm tam mangan lai a n1 bawk a, a ram lo tha deuh ta chu anni chhung chuan an nei ve ta a n1

Lo thlawh chhung zawng chuan engmah thawm an hre lova, mahse buhseng ramriah lain ramhua1 chu an rawn lang ta a n1 Nikhat chu thlâm atanga hla deuhvah a puitlingho zawng chu an bung a Chutih chhung chuan an hmeichhe naupang fel tawh tak chuan thlamah nau a lo awm a, a lo pua a Chutih lai tak chuan naupang chum tha deuh mai h1 a lo kal a (Sihai a n1 mai thei e) 'Engatinge kan awmna lai in vah phulh vek mai' t1in a nau puaklai chu rawn chhuh a tum ta a Anin a lo phal si lova, an inchuh buai a, an te ta chul mai a An thawmah chuan an chhungte chu an rawn chho va, an rawn thlen hma deuhvin naupang chu a kalkiang ta a A kal dawn chuan 'In la hria ang' t1in a vau zui a n1 awm e. An

rawn thlen chhoh chuan thil awmdan chu a lo hrilh a,
an ngaih a that tak loh avangin an haw ta dial nghe
nghe a ni

Thenzawla an awm chhung chuan engmah an hre
zui ta lem lova, mahse, Kanghmun khuaa an let leh
hnuin ramhuai chuan arawn sawisa ta a ni Chu
tleirawl chu a damlo va, chutah chuan ramhuaiho
chu anrawn kal a, a taksa an duhna lai laiah bel-
mangin anrawn mak ta a ni Anrawn kal chu a hlau
em em mai thin a, a pa hi a bel chung chung thin a.
A chang chuan rizain a inzial tlal bawk a, mahse an
hnawih tho tho thin a ni A kawr hnuai leh a puan
hnuaiah pawh hnawih mah sela, amah chuan an
hnawihna lai chu a hre zel a, 'Ka chuti laiah chuan
min tat' a tihna lai chu an han en chuan a lo hâng leh
kuau mai thin a ni An hnawih zawh chuan an kian-
san leh mai a, an pawh chu awm pangngain a awm
ve leh mai thin a ni.

An hnawihdan ber chu kut zungtang pahnih
hmawra han rin kaw ang hi a ni a A zungtang
pakhat zawk phe chu a tin a sei deuh bik a, a tin hnu
pawh a lang thei hial thin a ni Han en chuan bel-
mang ang chiah hi a ni a, puana han hruk chuan a
reh leh duak mai a Nimahsela belmang tak tak ang
lovin a hrukna pu n chu a mang ve hauh thung lova,
chu tak chu a makna a ni - A en tur ngawt pawh
hian khaw dang atangin an lo kal thin a, a dik ngei
tih an hre hlawn a ni Hun reifu chhung chu hetiang
hian anrawn tat thin a, rei deuh hnuah an reh hlen
ta a ni Hetih lai hian amah hi a tleirawl ve tawh a, a
zah pawh a zak viau thin a ni

¹Chutianga an tinsan hnu deuh lawk chuan a u tlangval chu an rawn buan ve leh ta thung a An rawn kal tirhdan chu hetiang hi a ni Favang antam huan siam hunlai a ni a, an Primary school thlarg lawkah chuan antam huan an siam ve a Tlai khat chu an huanah chuan zikhlum tik 50 vel phun turin a lut a, ruahsur hlim deuh a ni a, tam pawh a la phun hman lo tiah chuan school lem atang chuan in an rawn kal a, huan pawn atang chuan, 'Inbuan i duh em?' tin an rawn cho ringiwt mai a Ani tlangval lo ni ve ta lem chuan mih ing an ni lovang tih pawh hre lo chuan, 'Duh e mawle' a lo ti ve mai a Tchu an huanah chuan an rawn lut a, an inbuan chu ni ta mai a A lo chak ve viau si a, an hneh bik mang lova, anmahni pawh an berhpung hlawn mu a

An tinsan daw n chuan 'N kin zanah kan rawn kal leh ang' an ti a Ina vi thlen chuan a hman sawi a, amiah lah chu a lo berh phung mai bawk si a, mak an ti hle hlawn a Zanah chuan an rawn kal ngei an rin avangin an mah chuan mi an awm khawm teuh mai a Zanah eikhim chuan an rawn kal 'eh ta ngei a An kawm thleng leik bu' zawngtah kung dagan an rawn lawn i, an rawn lut ta ngei mai a Ani pawh cha a mring hle bawk a, an inbuan leh ta tang tung mai a Chhuatahte hian an inkeuh thui thui mai a, ani pawh chu thlan tia phungin a tang a, a hah ve em em mai a ni Reifu an inbuan hnu chuan an tinsan leh ve ta mai a, chuta tan chuan an reh hlen ta a ni Heng thil hi an i ei pawh a la ni lova, mit ngeia hmu-tu leh hretu pawh an la tam a, a dik ngei a ni t han sawi a ni Chuvangin, 'A mak e,' tih mu loh chu Science lam atang pawha han finfiah chi a ni hranpa si lova, ramhuai huathawha han puh loh rual zawng a ni lo

Heng lo pawh hĩ Mizoramah hian ramhuai inlar-na leh thil tĩ sawi tur tam tak a la awm a, mahsela, a zawng a za chuan sawi kim sen pawh a ni lo. Amaherawhchu, heng kan han sawi tak atang ngawt pawh hian ramhuaite hi an awm leh awm loh chu ngathdan kan siam theih tawh a rinawm. Chuvangin kan pi leh pute hunlafa an lo hriatdan leh hmuh thindante pawh kha thil hmuhsual leh phuahchawp ngawt zawng a ni vek lovang tih chu thil rinngam nin a lang a ni

Bung 4

RAMHUAI HUATZAWNG LEH HLAUHZAWNG

Kan pi leh puteho kha ramhuai chanchin hre tam leh anmahni pawh hmuchiang pawl tak zawng an lo ni awm e. An huatzawng leh hlahzawngte nen lam an lo hre vek zel a, a mak lehzel ngawt mai. An huatzawng leh duhloh zawng anga tih ngat chuan an rawn inlar ngei thin a ni an ti. Ramhuai hmuh duh phawi chuan chhin ve ngei atan pawh a tha mai thei a ni. A awlsam deuh ber nia an sawi chu ramhnuai chakai rawh emaw thlam thaitlana chakai nung khai emaw a ni an ti. Chutianga tih chuan anmahni an rawn lan loh pawhin thawm emaw tal chu an rawn neih ngei ngei thin an ti. Heng thil hi chu lo chhin tawh thin an awm a, cho chhuak ta lem lo leh an thawm pawh hre ta chuang lo pawh an ni nual mai.

Amaherawhchu, cho chhuah ngei ngei duh chuan chidan chihni a la awmin an sawi a. Pakhat zawkah chuan ramhuai chetna lai vela zurun chungah kal a, anmahni cho mai a ni. Upaho sawi dan chuan hetiang

ngata cho hi chuan an rawn lang ngei ngei a ni an ti
 Hetianga ramhuai chochhuak hi sawi tur an awm
 nual nghe nghe mai Lunglei bul lawk Zotlang leh Puk-
 pui inkâr Leitan lai velah hian hman lai atang tawhin
 ramhuai awmin an sawi thin a Helaiiah hian ramhuai-
 in mi an man leh sawisak an awm nual tawh a ni A
 hmasa ber chu Pu Zua an ti a Zuruin helaiiah hian a
 kal a, ramhuain an man ta a, khâmah a lum hlum
 nghe nghe a ni. Chu chu hman deuh tawh a ni A
 hmingah pawh 'Pu Zua lumna' an ti ta a ni

A hnu leh deuhvah chuan Pukpui lai Pu Dâra
 nau Thangkâwnga leh an khuua hlaphuah thiam pa-
 khat Khamdailova chu Zotlang khuah zu chhimin
 an leng a An hawnglam chuan ramhuai cho chhuah
 an châk ta tlat mai a Tichuan inkaihkuahin an kal a,
 an cho ta a Leitan an thlen dawn lai tak chuan an
 rawn kal ta a, an inkuah chu an rawn pawt then ta
 phawk mai a Khamdailova zawk chu kawngah chuan
 an han nam thlu tawp mai a Thangkawnga chuan, 'E,
 thiana zam hlek suh' tui a han thlamuan a Ani
 pawh chu an han man ve leh ta nghal mai a, kawng-
 thlang lamah chuan an hnuk liam ta a A puanven
 chu tha takin hnim karah an zep a, thlang lam pan
 chuan an hruai thla ta a A mangang chu a au vau
 vau mai a

A thianpa chuan a umzui zel a, an pahnih chuan
 an au zel bawk a Nakin deuhvah chuan Pu Kima
 leng haw ve bawkin an au thawm chu a hria a, a zuk
 chhan a Tin, midang pawh an rawn thleng ve a, in
 lamah an hruai hawng ta a A a tlat ta mai a, ina an
 han thlen pawh chuan chhuah a tum reng mai a, an
 veng thap mai a A hnu deuhvah chuan a tihdan

hriaten an thawi a, a lo hah chhuak leh ta a ni
 Chumi hnu deuhvah chuan Zotlang tlangval chak
 Lazuala pawh helai hmunah bawh hian ramhuaiin an
 man a, an buan vak mai a Ani pawh rei vak lo
 chung chu a á deuh va, mahse a hnu deuhvah chuan
 a hahchhuak leh ta a ni. A mak viau tak nanga,
 heng thilte hi a dik tlat a, tun tlang hian a hre phak
 leh mit ngeia hmutu tam tak an la dam a, thil tak tak
 ngei a ni. Tun hnu tak takah pawh Zotlang khaw mi
 pakhat helai velah bawh hian ramhuaihovin an hruai
 a. Jeep-ah an chuanpu vak bawh a ni Helai hmun
 hi engemaw tak zawng a ti a ni ang. Kan ram buai
 avanga Sipaiho an rawn awm hnu pawh hian helai
 takah hian Gate an siam a Mahse zanah thawm eng
 engmaw an hriat thin avangin a piah deuhvah an
 sawn ta ngite nghe a ni. A duh tan chuan tunah pawh
 hian a la fiah theih reng mai.

~ Kawngdang pakhat dik ngei ngeia an sawi a la
 awm a, chu chu ramhuaiiah emaw thlamah emaw
 riahni chauhva riahnaah pasawntlung hi rawh ila,
 ramhuai chu an lo kal ngei ngei a ni an ti bawh A
 chhuma chhum pawhin a ni tho bawh Hman deuh
 khan Buang khuaa tlangval pakhat pawhin ramhuai
 hmuh hi a chak tlat mai a Ramhuaste hi an awm tak
 tak a ringlo nasa mai a, chuvang chuan fiah a duh a
 ni. A pu chuan a cho chhuahdan a hria a, mahse a
 cho mai a hlaui avangin a hrih duh si lova A tawp-
 ah chuan a lo hriatphak ve ngei turin a thianpa a
 zawhtir ta a, a lo hre ta ngei a Chumi kum chuan
 vanneihitlak tak main an lovah chuan pasawntlung
 chu a awm ngei mai bawh a Ani chuan ramhuai chu
 an awm a nih phawt chuan cho chhuah ngei ngei a
 tun ta a ni.

A pum a tina der a, a haw ve peih ta lova, a chhungte chuan an hawnsan ta a Amah chauh chuan a riak ta ngei mai a Tiaiah chuan pasawntlung chu a va la a, cho chhuah ngei a duh tlat avangin a then a rawh a, a then chu a chhum bawk a Khaw thim hlan chu a nghakhlel hle mu a, nimahsela, khua a lo thim pawh chuan a reh ta vang vang mai a, a berdawng lek lek tawh mai a Nakin deuhvah chuan pawnah a va chhuak a, a va hawivel ruai ruai a Rei pawh a la awm hman lo tihah chuan an lo râl mualah chuan mi pakhat hi meichher chhun a lokal ta a Mihring nia a rin avangin ramhuai chu an rawn kal ngam lovang a, a thil tum chu a thlawn mai ang tih a hlau hman hle nghe nghe a

Nakin lawkah chuan a han en leh a, meichher chhu dangin an rawn zui leh nghal a, pawh hi a ti khawp mai a Mihring emaw a la ti ta fova, 'Mi zawn an awm a nih awm mang e, kan lo va bengvarlo awm em' a la ti rilru ta fova, a dangin an rawn zui leh a, an intlar ta put mai a Ramhuai hlau lo pawl tak zawng a nih a rinawm, chumi lai pawh chuan engmah hlauhna a la nei chu ing hauih lova Tichuan in rawn chho zel a, an lo lam ngei chu an rawn pan a, an lo lu ngâw an rawn thlen chuan a ngaw enin a ung ta phut mai a Chutih erawh chuan a ngali chu a tha chiah ta lova, 'Mihring an nih awm loh mang e' a ti rilru ta chauh va.

Thawk leh khatah chuan le, an thlâm vel leh lo zawng zawng mai chu an rawn tuam thla ta a, thli nazet ang mai hian an ri ta hum hum mai a Ramhuai ngei an ni tih a han hriat hnu chuan a hlau leh ta em em mai si a, a hlau mangang chuan an thlam tapkâwm

ramsa hlahu atana vuakrik tura an siam chu inhrosa chung chuan a khawng ta chjam mai a. A khawng sawp vek nghe nghe mai a ni Chutiang ngawt chuan a tlaivar leh ta nghal a, a inchiirin ban a chen takmeuh mai a ni. A tuk khua a lo var pawh chuan a chau hle mai a, engmah tihzai reng a rel hleithe lova.

A pu feh a rawn thlen chuan a ngaih a thalo hle a, engemaw tak chu hmu ngein a ring a. Mahse, a han zawhvel pawh chuan a sawi duh hauh lo mai a, mahse a pu chuan an tapkawm sawpdante a han hmuh chuan leh a hmel awmdante a han hmuh chuan a hre thiam mai a. Hna han thawkzia-zang nia a hriat loh avangin, 'Taia, ' tikhan lo han haw mai tawh, hna thawk chi i nih loh kha' a ti ta a. An pawh chuan han hnial tinah pawh a tin chhin bik ta lova, a haw ve ta mai a. Nimahsela, a chauh em avangin kal pawh a kal hleithe lova, losul hmahruain in thlen hmam an umphak leh ta mai a ni.

In a thlen chuan a na ta char char mai a, lukawlh rawtin a na ta a. A nat chhung zawng chuan a ramhuai cho veldan leh an rawn kal a, a lo inhrosakdan zawng zawngte chu a zir fai leuh hi a lo nia, vanneithlak takin a dam ve leh ta hlahu va. A dam hnua an han zawh pawh chuan a la zep ta fo va, nimahsela, a pu bawh chuan, 'Taia, engmah zep zep duh ting suh, i natlai khan engkim i sawi zo vek tho tho tawh alawm' a ti ta a. Chutah meuh zawng a zep thei ta bik lova, a thil tihdan leh ramhuaiho rawn chetdan zawng zawng chu a sawi fai ve ta vek a. Chu tlangval chuan het hian a ti. Ramhuai awm hi ka lo ring ngai reng reng lova, tun chinah chuan ka ring tawh ang. Ka chhin leh ngai tawh hrim lovang a ti

hial a ni Ringhlel kan la awm a, kan fiah duh a nih chuan a chung a kan sawi kawng hnihte ang khian cho ve a, chhin ve mai tur a ni

Ramhuai huatzawng leh a cho chhuahdan kan lo sawi ta a, tunah chuan an hlauhawng leh an laka in-vendan lam 1 lo sawi leh thung teh ang Kan Mizo pi leh puteho sawidan chuan ramhuaite hian thil pakhat hlauh em em an nei a, chu chu 'Kelchal hrui' a ni an tih chu! Ramhuai hmuh a, hlauh viau emaw mi tihnat leh sawisak emaw an tum chuan, 'Khawngge ka kelchal hrui kha' han ti ila, an tlanchhe vek mai a ni, an tih chu! Heih a chhan nia an sawi chu Vawrselapan a lo vela ramhuaiho a um vak tum khân a man theih a-piang kelchal hrui a phuar nghauh nghauh mai a, chuta tang chuan an hlau hlen ta a ni e, an ti Tak tak te pawh a ni mahna le Tunlai chhanah chuan han fiahna hun leh hmun pawh a vâng ta deuh si a ,hman lai thilah chuan a dik mai thei a ni

Tin, ramhuaite hian Zâmzo buk hnuaia mihring tawm reng reng hi an hmu thei lova an lo tih bawk chu! Hetiang hian an sawi thin Hmanlai hian chhung khat hi buhseng hun, zâmzo pârvullai tak hian ramah an riak a An thiâm bulah chuan zâmzo hi an ching a, a pârvchuk mai a Vanduai thlak takin an pa ber chu a damlo ta a, a na hle mai a An vau sih-zh chuan ramhuai an lo awm a Zankhat chu mihring anga mlarin an pa damlo chu an rawn en ta a Mei an tuah eng tha mang lova, an rawn luh chuan pakhat chuan, 'Khawngge in pa damlo chu ka han thamvel teh reng ang e' tin a ke lamah chuan a pheir ta a

An nu chu tapchhakah mei bulah a awm a, an fapa chu a pa ke bulah a thu a. Ramhuai chuan an pa chu a keler atang chuan a ei ta hmuar hmuar mai a. Naupang chuan a hre kiau va, a hlau ta em em mai a. A nu bulah chuan a rawn pheï a, thil awmdan chi a va hrilhru ta a. An hlau ta em em a, ngaw rengin pawnsah chuan an chhuak ta ngawt mai a. Nimahsela, kalna tur chuang pawh chu an hre si lova, zâmzo buk hnuaiiah chuan an mangan tawm ta ngawt mai a. Ramhuai chuan an pa chu an ei zova, an nufa chuan an rawn zawng leh ta zel mai a. Nimahsela, zâmzo pār chuan an mit a tivai a, an hmu thei ta reng reng lo mai a. Awm ngei chuan an hre si a, mahse hmun leh hmunah chuan an hmu thei si lova.

An tihngaihna hrelo chuan lo mawng atangin an zuk tan chho ta a. Lo mawng atang chuan an hmu thei vek si a, 'Khu ta khu le' an ti a, an rawn pan chho nal nal thin a. Mahse a hmun an rawn thlen chuan zâmzo avang chuan an hmu leh thei chuang si lova, zankhuaa an beih pawhin an hmu thei ta chuang lova, an nufa chuan an him ta a. A tuk khawvâr vele chuan hlau em em leh hmanhmawh deuhvin an hawng ta nal nal mai a ni. An thil hmuh chu m hnena an han sawi chuan mak an ti hle a, hlah pawh an hlau hlawm hle a ni an ti. Heta tang hian Mizote hian thlâm bul vela zâmzo chin hi dânah kan lo neih hlen ta a ni an ti. Hei pawh hi a dik mai thei a ni. Tunlai thileng pawh hian kan la ti zu ta zel zawng a nih hi.

Bung 5

RAMHUAITE HI AN AWM TAK TAK ANG EN?

Ramhuai chanchin kan sawi tam ta hle mai maw? Kan pi leh putena an lo hriatdan zawng zawngte leh kan rama an chetna lar deuh deuhthe pawh kan lo sawi zo ta vek mai Nimahsela, tunlai hian mi tam tak chuan ramhuaite hi mihringte hmuh theiha in'ar thei lo leh a awm pawh awm tak tak lova ring leh sawi kan ching hle a Kan ngaihruatna mai maia awm nun kan ring bawh a, mihring rilru leh thinlunga duhna leh ngaihtuahna sual awm hi ramhuai chu an ni mai kan ti bawh thin Mi thenkhat erawh chuan ramhuaite hi awm ngeileh mihringte chung pawha thil engemaw titheini kan ngai ve bawh Mi thenkhat dang lehte chuan ramhuaite hi hnam at leh mawl lai thil chauh leh hnam a lo fin deuhva bo leh mai nun kan ngai leh bawh a Heng ngaihndan chithumte hi mihringte zingah a kalkawp reng kan ti thei awm e A dik thei ang em?

Hnam dangte hriatdan leh ngaihndan chu kin hriatpui thei kher lovang a, kan Mizo pi leh pute lo hriatdan atang bawkin ngaihndan i han siam dawn teh ang le Mizo titi hlui berah chuan Thlanrawkpa kha ramhuai lai nun an sawi Chutiang a nih avang chuan khuang a chawi pawh khan thil engkim mai, nunna nei loten en lam an tel a, an hlimin an lam nasa hlawm mai a nih kha. Thlanrawkpa khuang chawi tuma an hla sak chu, 'Thlanrawkpa sialki dim dem, Thlanrawkpa sialki dim dem' tih hi an nawn tluk tluk mai a ni an tih chu!

An lamdan pawh hetiang hi niin an sawi Kut khing lehlam ve ve hian seki pakhat an keng a, khup thleng vel hian ke khing khat hi an han khai a. Chumi lam kaiza hnuaiah chuan an seki ken kha an han khawngri bauh va, a lehlam an khai leh a, chutiang bawk chuan an khawngri leh bak a. Chumi zawhah chuan an tukhum lamah an khawngri leh a Chutiang hlir chuan an hla kha hlabial ang hian an nawn a, seki kha an khawngri kual dual dual mai a ni an tih chu' Nuam ti ve awm tak zawng an ni e. Ar-ek-pachal te pawh an su pherh hlawih hlawih mai a ni an tia lawm' Thlanrawkpa atang chuan ramhuai chu an inthlah chhawng ve ta zel a ni an ti

Kan pi leh pute anga ramhuai lo belchhiang leh an chanchin hre thui hi khawvel hnamdang an awm ve kher lo mai thei a ni, zawlte hial pawh an lo zawl thin a, awm lo hulhuala han puh chi zawng a ni lo ve Hmanlai deuhva Bualpui khua Hrângvaia ,Zawl-nei an tih pawh a ramhuai zawlte chhung chaw ei tura an inkohdan a lo chhinchhiiah a, an chhung an rual bawk a, a kotu tân pawh chham fe a ngai duh awm e Hetiang hian a sawi-

'Chawngtin, Chawngtan, Chemtelu leh Haudang, sial, Lamcher, Tluangvawn, Suhtawn, Lengte khalh a khalh bik, Tiangzawl, Tinkhawchawng leh Tualnem Hauvi, Zangkaih, Bawkhchun, Ralhrat, Lianchawng-lura, Chawngpuisai, Chernghalianlali-Lo haw rawh u, buh leh sa kan ei dawn e, Vunga' an ti thm a ni a ti. Koh sual nawk nawk chang a tam duh hmel ngawt mai

A zawlu pawh a lo chhinchhiiah thei hi a mak ngawt zawk mai Hetia an inkohdan, atang hian an khawsak dante pawh a lang thei bawk a ni. Miringte

ang bawkin buh leh sate pawh an ei ve thin ni awm tak a ni Mizô zâwlneiho sawi dan chuan chakai hi ramhuaiho âr a ni an ti Khawchhak lam unau then-khatte pawh khian chakai hi 'Phung sial a ni e' an ti a, an erduh hauh lo an ti Hñahthial hnah hi 'Ram-huai chawthleng a ni e' an lo ti bawk a 'Ek khum emaw zun khum emaw chuan min tidamlo thin' an lo ti bawk a ni

Hmanlâi atanga tunhnai deuh thleng pawhin ram-huai inlâr hmu hi sawi tur an awm fo thin a Tun hnai deuhva hmuchiawng pawl taka ngaih theih chu Vanhne naupangho an ni awm e Kum 1957 vel lai kha a ni â, fâvang lai a ni nghe nghe a Tlai khat chu naupang panga hi an chhungte feh haw hmuakin Vanhne dai thlang lawk, kham ko bulah an awm a Tlai dar 4 30 velah chuan an awmna bul kham kova hnahkiah kakah chuan nula ngo tak mai, kawr vâr hlira inthuan, sam sei tak mai hi a thuthluang diain an zuk hmu a A sam chu a thutbet zu mu a Anni naupang a thuchang chuan mikhuah nula an ti mai hlawm a An zinga a lian ber Lalmawia chuan lungin a zuk vawm a, a bo ta daih mai a ni A vawmtu chu lukawlh rawtin a na nghe nghe a ni

Chutrang taka hnai hmu an nih avang chuan a pianhmang leh hmel awmdan pawh chiang takin an sawi thei vek a 'A hmel phei chu a tha hauh lova, mahse a ngovin a kawr te a var bawk a, nula naih tak chu a ni e' an ti A mit chu a tung zâwngin a awm a, a hnar chu a chho zawngin a invuah bawk a, a hmu chunglam chu a parhduai mai a ni, an ti An hmuhsual chu a ni hauh lova, anmahni pawh fel tawh fe fe an ni a, a vawmtu Lalmawia phei chu tleirawl lek lek a ni tawh a, dâwt chu a ni hauh lo mai

Hmanlala ramhuai zawlte sawidan chuan an hmeichhate zahmawh hi a khamphet a, tin, thenkhatte chuan ki seipui pui an nei bawk niin an sawi. chuyangin ramhuate hi an awm ngei a, an duh hun hunah mihringte hmuh theih pawhin pianhmang chihrang hrangin an rawn inlar bawk thin a ni tih hi rinhlelh tur niin a lang lo Chutiang bawkin ramhuate hian mihringte thinlung leh ngaihtuahnaah hian sual hna an thawk thin a ni tih hi rinhlelh rual a ni lovang Kan Bible ngei pawhin chiang takin a sawi a ni Ni mahsela, an thawhdan hi hriatthiam a har em em mai a, a inthup thei ang ber leh hriat har thei ang berin an thawk thin a ni Dan naranin kan duhzawng leh thlemthluk kan awlna laiah min bei ber thin a Kristian kan nih hnu pawh hian sual lam ngawt ng. wt pawh ni lovin Pathian thu ang tak si, dik tluantling si lo leh a tawpa anmahni duhzawnga kan khawsak theihna tur lamin min bei thin a ni Chutiang a nih avang chuan ramhuai hnathawh hi hriatchhuah a harsa em em a Kan ramah ngei pawh hian Pathian thu emaw tin mi tam tak chu an kalsual rem rum thin a nih hi Hetiang lam pawh hi Mizote bawk hi a hrechiang pawl kan niin a rinawm hle bawk

Mak ang reng tak mann hetiang kawngah pawh hian chiang taka hmutu len hretu an lo awm leh zel mai * Hun reivak pawh a la ni lova, kan rama Hhman chikhat hlimsang kan tih lo chhuahtirh lai vel 1938 khan a ni Kum. 1937 velah khan Kelkang khuaah hlimna nasa tak mai a thlang a. Chutah pawh chuan an daisual thu hman hle a, sawrkar leh kohhran pawhin an buaipui h'e a nih kha. An hruaitu thenkhatte phet chu lung inah an khuing hial a nih kha

Chu hlimna chu a darhzau ta zel a Aizawl bial pheī chu a fanchhuak thuai tih theih a ni a A lo rei deuhvah chuan Lunglei bial lam pawh a rawn thleng pheī ve ta a Kohhran hotuten an duh lovin an do nasa hle mai a 'Hlimsang dāi kan theu ve' an ti a, nasa takin tan an la a Chuti chung pawh chuan khaw then thenah chuan a lo thleng ve ta tho va, tunah pheī chuan kan ram pumpui mai hi min luan chhuak ta a nih hi A hlimna hrim hrim pheī hi chu thil diklo leh thalo pheī chu a nih a rinawm lova Pathian Thlarau Thianghlim hnathawh ngei pawh a ni ang Mahse hemi ruala thil diklo inzep, Pathian thu hiula ramhuai hnathawh lo awm thin erawh chu finkhur taka fiah a tha a Hetiang hi a inzep fo thin a ni tih erawh chu a chiang hle a ni

Kum 1938 chuan Lunglei biala khaw pakhat Sekhum khuaah chuan hlimna nasa tak mai chu a lo thleng ve ta a Biak inah chuan an lam mup mup mai a, lenkhawmnah lah an hlimin an lam nasa bawh An zingah ramhuaiin hna a thawk a ni tih reng an hre lova, a rin pawh an ring bawh hek lo Mahse chutih lai tak chuan an khaw pa pakhat Pu Chalmānga chuan chiang tak maiin ramhuaiho committee chu a lo hmu tlat mai a ni' Amah hi kohhran Upa emaw mihlim emaw a ni hranpa lova, mi pangngai ve mai mai a ni a A tum avanga a hmuh pawh a ni hranpa lova, hmuhtirtu awm niawm tak a ni

Chutia kohhranho Biak-ina an lam mup mup lai chuan an inah a awm a Chutih lai chuan Biak in thlang lawka ramhuaiho committee lai chu mita hmu ang maia chiang hian a lo hmu ta a ni An thurel zawng zawngte pawh a lo hre ~~va~~awk a ni Hetiang

hian a lo hmu a ni. Ramhuahō chu Biak-in thlangah chuan committee-in an awmkhawm lah mai a. An tan hma chuan an hotupa thu pawh hmu hawt lo chuan an zinga tleirawl pakhat chu Biak-in chhunga an lam na laiah chuan a lo han kal a. Anni kohhranho lah chuan an lo duhlo nasa mai a, tukverbah an lo vawrhchhuak tawp mai a. A tla chu a chauvin a zaw hnawp mai a.

A harh hnu chuan ze deuh takin an committee-na ah chuan a rawn kal ve ta a. An hotupa chuan thinrim zet mai hian, 'I zak lawm ni? I zak lawm ni? Engahnge rorel hma hmaa i lo han kal vei thawt thawt na ni?' tui a lo hau zek mai a. Chutia a hau zawh chuan, 'Khai le, committee chu i tan tawh ang ule. Hei tunah Mizo ram chu Pathian thuawi in an awm zo dawn a, min kalsan chu a ni ta mai a. Thlarau Thianghlima harhna lah chu a lo thleng leh ta si a, ram kan chan nasa dawn hle mai a. Chuvangin engtingge heng Thlarau Thianghlima rawn harh mekte hi kan tih dawn le? Ngaihdan leh ruahmandan nei apiangin han sawi teh ule, a han ti ta zuah zuah mai a. An han ngawi deuh thap a.

Nakin deuhvah chuan an zinga pakhat chuan, 'Kei chu hetiang hian ti ila tha berin ka ring e. An inkhawm leh zaikhawmnahte hian tel ve zel ila a laili a piang chuh deuh zel bawh ila. Pulpit bul hnaihte pawh hian chetla ve zel ila, tichuan an zingah a ruokin hna kan thawk thei berin ka ring e, a han ti ta a. Tha an ti tiang hle hlawm a, kut an beng dar dar hlawm a, pakhat chuan a rawn pui ve leh a, 'Chutiang lam zawnga kan thawk dawn a nih rau rau chuan hetiang hian i ti teh ang u. An hlimnahte hian hlimna ve zel ila, an hla duhzawngte

pawh hi duhpuiin tuipei ve zel ıla A tui thei ang ber-
in sakpui hluam hluam mai ıla Amaherawhchu, an
hriatloh hlanin an rilru leh thinlungah thudang kan
thun hlahh dawn nia Tichuan zawı zawıin keimahnı
duhna lamah kan hruaikawı thei ber ang Tin, tawng-
taite pawh hi a tui thei lam leh a chham sei thei lam-
in sukthlekpui ıla, a kar lakah kan duhzawng kan
thun tel zel ang a, a tawpah chuan keimahnı duh-
zâwng zâwngin kan hruaikawı thei ngein ka ring e
Chutia kan duhzâwnga kan hruai theih tawh hnuah
chuan sual pawh kan tihtir thei tawh ang a, a tawp-
khawkah phei chuan Pathian Thlarau ni lovin keimah-
nı thlarau zâwk kan chantir thei main ka ring e,
arawn ti ve leh ta a An lawm lutuk chuan kut an
beng leh ta dur dur mai a

An hotupa pawh chu a lawm hle mai a, hetiang
hian a tlâng a rawn kâwm a, thutawp a rawn vai ta
nghe nghe a, 'A nih leh chutiang tak chuan a inthup
thei ang ber leh a ruk thei ang berin an zingah chuan
tel ıla, Pathian thu ang ve takin, mahse a hrul deuh zel-
ah keimahnı thu angin hruai tum ıla An inkhawmna
leh zaikhawmnaah pawh a lailum lam zel chuh i tum
ang u aw?' a han ti ta a Tha an ti tlâng hle hlawm a,
thu chu an pass a lo ni ta a Tichuan, chu an thu tluk-
na ang ngeia thawk tur chuan a pâwl jâwlin an
inthen ta sang sang mai a Mizoram chauh pawh ni
lovin ram dang dang pawha thawktu turte pawh chu
an insiam ta a, an tindarih ta sang sang a.

An tindarih dawn chuan an hotupa chuan heti
hian thu a han puang leh ta a, 'Hei le tunah thuruk
tâwpkhawk kan rel a ni a Mihring zingah heng kan

thurelte hi lo hre ru an awm a, an puandarh vaih chuan kan tihlum mai tur a ni ang tin Chutiang taka thu an tih avang chuan Pu Chalmanga pawh chuan a puang ngam lawk lova, mahse kohhran leh kristiante tan a pawimawh em si avangin a puang lo thei ta si lova, amah pawh chuan a dam reloh phah ta a ni Heng thu a puan dawn lai pawh hian amah chuan, 'Kei zawng ka dam rei ve dawn ta lo a nih hi' a ti nghe nghe a ni. He thu hi phuahchawp a ni lova, a thusawi hretu leh dawngsawngtu ngei sawi chhawn a ni a, rinbleh tur a ni lo ve

Heng thu zawng zawng han ngaihtuah a, han chhut nauh nauh hian ramhuaite hi sawibo ngawt chi an ni lova, an awm ngein mihring hmuh theih pawh-in an duh hun hunah an rawn inlar thei a ni tih hi thil chiang a ni e Mihringte thilung leh ngaihtuahnaah-te pawh hian a rukin thilsual an thun thin a, kan Kristiannaah ngei pawh hian kan zingah a rukin an thawk reng thin a ni tih pawh hi thudik pawm ngam a ni bawh. Nimahsela, kristiante chu Pathian Engkim-titheh leh lei leh van leh a chhunga thilsiam zawng zawng chunga roietu leh thuneitu ringtu leh netu kan nih avangin lo awm tehreng pawh ni sela ramhuaite chu kan hlau tur zawng a ni love Pathian khawngaihna zarah chhandamna Chanchin Tha chuan min umbosak tawh a.

Pu Rokunga'n, (R.I.P.)

Chanchin Thain kan ramah,

Ramhuai a umbo'ta,

Kan ram dinchhuahna bul chu,

Hei ngei hi a lo ni tih hla mawitakin a slam
nghe nghe a ni. Amaherawhchu, kan zinga an hna-

thawhdan leh min beidan erawh chu kan hriatchian a, kan inven that erawh chu a tul tih kan hriat a tha ang.

Chuvangin keini kristian ram, khawvela chhan-damna Chanchin Tha puangdarh mek leh keimahn zinga sual leh setana hnathawh do mektute hi kan nundan leh thiltih kawng tinrengah kan simkhur a tul em em a Kan zavai hian Pathian duhzawng, Ama thu atanga kan chhut ngun a, Ama duhdan ang zela kan nun chhoh hi kan ram leh hnam Pathianin min thlan chhan leh tihmâkmawh kan kova inngat tlat a ni tih hi kan hriat fo a tulin a pawimawh em em a ni Chutilo chuan Israel fate ang bawkh kan Pathian min hmangaihtu leh min thlangtu tihmingchhia leh timualphova, khengbet nawn lehtu kan ni dawn a ni tih hi i theihngihl suh ang u



MISSOURI STATE LIBRARY

A

Ac

Class by

Catalog

Subscribed by

Subscription No

1204A

au zui leh tan a Chemtawu hi zaith'am hmang-
thang a ni a Lalkhuma nen hian fapa an neih
si loh avanga inthen an ni An inneih lai chuan
a hlim zawng an hlim dun hle thin min a lang,
Lalkhuma pawhin hetiangin hla a siam a-

Laltuchhingpa ka vangli,
Sumtual sangul zinge khua mawitu
Ka maw emaw? Tawu en ve rawh

Chemtawu pawhin hetiangin a chhang lét a -

I maw Laldang ka bel che,
Thingsu par vu nin Hniaivungpa,
I awi ang hrang tin lu

Lalkhuma in bulah chuan seluphan te a tlar
bung a A in (sumhmun bing)-ah te chuan sa
lu te chu a khai tup mai bawka Seluphan chu
thingse ril hmanga tar tlar thut a ni A kawt-
zawlah chuan an zai dual dual a, hlim takin an
lam vel a An bengbeh leh thi awih chu 'Han
en teh,' tin, Chemtawu nau, Darngovi chu zai
chungin a'n ko ve leh a

Hniaivungpa'n chunbuang beh e,

Hawihluanpa'n valthi awrh e,

A maw emaw? Darngo en ve rawh

Rengchal leh hram thei thereng dang a hram te
bian, a lunglen a kai tho thin a Hniaivunga nu

tur lah a la nei si lova, Khualluti chu a hre
vang vang mai thin a ni -

Vawun chuan kan r m lova n
Thuva indi zu hmu i,
Ka lungdi luah ngai ni ve maw?
Phara phunchawng Huivate,
A tangih lungzui na ngai,
A hraleng a awi e

Lalkhuma, Chemtawun mah a lîn loh avangin,
Chemtawun hla a sim-

Tukin kawlk'ut en? rui e,
Ka iun a kai love Hmarvungpa,
Vathangnu zod uah

Puvunga'n Lalkhuma kawltarah a leng emaw
a ti e, ni, Hmarvunga nu tur a ram lu a hinh
si thu-

A leng emaw ka ti e,
Laitual a leng love Hmarvungpa,
Vungpui û runah a zel leng e

Vungpui û chu nei thei dawnin a inhre lova,
huaisen avanga neih luh theih a ni bawk si
lova A rilruin Nikuala te leh Hmar lam lai
ho te a um darh lu te kha a ngaihtuahin, a
lakih tumah pawng ngam an awm lova, arau
te lah amah nek ngmtu an awm bawk tawh